

光緒鎮海縣志

鎮海縣志卷三十五

冢墓

董相之陵過者下馬徐穉之冢郡守立碑鎮雖海
壩名賢之兆宅所在多有其碑碣昭然者固志乘
所必載也至於沈端憲墓則正之黃長孺墓則補
之虞永興墓辨而仍存之其餘志節幽芳與夫勳
名卓異者皆備書於篇使後之人徵志而感懷望
壠以致敬云

漢

孝子董黯墓

在縣西北靈緒鄉達達山麓孝子慈人而

墓在靈緒鄉每歲穀雨日其後人必至墓所展祭

乾隆志

晉

劉伶墓 在靈緒五都東步市祠名通天鄉民禱求甚應

然並無碑志可考

延祐志

河南嘉穰縣浙江嘉興府俱有劉

伶墓蓋伶荷鍤醉遊故隨處皆有墓云

一統志

唐

禮部尚書諡文懿虞世南墓

在靈緒鄉澥浦鎮

嘉靖志延

祐志云世南出爲叔陳中書侍郎寄之後陪葬昭陵子孫

俱居長安墓不應在定海但明一統志及四明續志皆載

定海有世南墓故仍府縣志之舊以俟參考

浙江省志

刑部尚書樂仁厚墓

在小港村

蛟川詩話

銀青光祿大夫檢校太子賓客王彥回墓

在靈巖鄉金

泉里蔣鑒元撰墓志銘

陳志
案

宋

禮部侍郎謚清敏豐稷墓 在靈巖鄉張家埠稷鄞人仁
宗嘉祐四年登第時靈巖尙屬鄞稷歿葬於此至神宗熙
甯十年始割地屬定嘉靖志

案嘉靖府志謂墓在鄞西南環村清敏遺事謂葬

鄞通遠鄉銀山

邑令江少虞墓 在崇邱鄉江家山宣和閒以京職宣教
郎來令於定遂家而葬焉

邑令謝字全 在東管鄉建炎間官於定值亂因家而葬
焉至今呼謝家墳

邑令盧萬墓 在西管鄉孔浦紹定中官定海令卒於官葬焉

參議趙伯蒞墓 在崇邱鄉長山淨居寺側

習菴先生陳與墓 在泰邱鄉盤輿山

贈直文淵閣諡端憲沈煥墓 在崇邱鄉沈家山下周必

大爲墓志銘

以上乾隆志

案鄞志沈端憲墓在鄞縣鳳翔鄉象坎山龍尾之
原在沈家山下龍蟠輿者係端憲父承務郎簽書
鎮東軍節度判官諱銖墓因舊志相沿故仍之

中大夫兩浙運判趙善悉墓 在泰邱鄉啓霞山葉適撰

墓志

水心集

端明殿學士沃潛墓 在泰邱鄉洪舉山

乾隆志

刑部尙書謝士恆墓 在海晏鄉洞橋村

乾隆志

景定五年

卒賜葬邑之葉家舉

寓賢傳

宣撫判官黃恕衣冠墓 在靈緒鄉武功村

鄭清之黃公祠記

儒士陳濤墓 在江南龍山邵舉今呼墓孝陳

孝友陳烈傳

叢冢 高宗幸海道侍衛軍赴舟不及多死於此骸骨

聚埋巾子山下洗馬池側因名叢冢

延祐志

元

邑令王煦墓 在東管鄉杜家橋西南號王孟冢

名宦傳

清泉場鹽課司張子忠墓 在崇邱鄉繡毬山西南

采訪冊

襲爵千戶侯顧園墓 在崇邱鄉顧舉園字雲屋趙搗謙

志其墓 攷古集

處士黃正孫墓 在靈緒鄉澤山之阜黃潛為墓志銘 黃文

獻集

漳州教授鄔成能墓 在靈巖鄉狀元山 陳志彙

明

布政使方溫墓 在靈緒鄉斗門山前 陳志彙

翰林院庶吉士樂用才墓 在靈巖鄉湖塘村 陳志彙

都指揮劉鼎墓 在侯濤山夕照巷左

都指揮李凱墓 在大西門外

孝子俞敏德墓 在泰邱鄉三山村

監察御史陳憲墓 在東管鄉官路治

福建按察使僉事謝琛墓 在東管鄉

大理寺卿夏時正墓 在崇邱鄉夏渡畧

案浙江通志時正歸田後僦居仁和民舍布政使張瓚爲西湖書院於孤山處之居三十年卒疑墓在杭州而杭州府志又無時正墓夏渡畧之墓崇邱人言係宋尙書夏字才彥墓考選舉表又無尙書夏才彥名兩存之以俟考

都指揮艾敬墓 在東管鄉沙頭村

以上乾隆志

長洲縣丞俞憲甫墓 在靈巖鄉大碇頭村

采訪冊

廣東布政使司叅政劉洪墓 在靈緒鄉

監察御史沃類墓 在海晏鄉崔西畧

易州知州周天民墓 在穿山所

都指揮李貴墓 在崇邱鄉長山舉

案李貴未嘗爲指揮事詳本傳乾隆志誤

都指揮武進墓 在崇邱鄉蒲前村

惠州知府樂舜賓墓 在崇邱鄉蔣灣舉

指揮同知樊懋墓 在東管鄉通明橋村

以上乾隆志

漳州副總兵李誠立墓 在靈巖鄉烏石岡之陰辭三省

爲文志墓

陳志

都督李釜墓 在向辰門外三里

邱府志

都指揮僉事李環墓 在江南壽山之陰辭三省志其墓

潁上縣知縣王日華墓 在郎屏山辭三省志其墓

饒州府同知烏文明墓 在西管鄉白沙村謝泰宗銘其墓

衛指揮向應龍墓 在東管鄉慈孝村謝泰宗撰墓志

贈南安司理謝瀚墓 在東管鄉慈孝村楊德周爲墓志

贈都察院右都御史薛邕墓 在城西漏浦村

贈尙寶卿順德府同知洪應科墓 在靈緒鄉衆仰山麓

工部營繕司主事華顏墓 在靈緒鄉施公山村

叅軍李玉華墓 在崇邱鄉長山橋村謝泰宗撰墓志

處士王宏墓 在崇邱鄉長山之麓謝泰宗撰墓志

陳志

工部郎中范我躬墓 在東管鄉沙頭村謝泰宗爲墓志

乾隆志

處士李唐墓 在東管鄉丁董村謝泰宗爲墓志

懷慶府參軍葉世官墓 在崇邱鄉陳山前謝泰宗志其

墓

訓導李誠性墓 在東管鄉謝泰宗志其墓

以上陳志彙

兵部尙書諡恭敏薛三才墓 在東管鄉漢塘鄭以偉撰

神道碑

四川布政使司布政使謝渭墓 在東管鄉慈孝村薛三

省爲墓志

歸德知府薛玉衡墓 在崇邱鄉布陣嶺下

禮部尙書諡文介薛三省墓 在東管鄉回向寺側顧錫

時撰神道碑

兵科給事中謝泰宗墓 在東管鄉同向寺側吳偉業撰

墓志

漢州知州莊士英墓 在東管鄉漢唐以上乾隆志

案謝泰宗撰墓志在鳳湖村

貢生謝泰道墓 在崇邱鄉白鶴山弟泰宗志其墓陳志墓

贈碭山縣知縣謝泰階墓 在靈巖鄉柴樓村黃宗義撰

墓志南雷文約

贈廣東道監察御史謝泰臻衣冠墓 在父渭墓西偏黃

宗義志其墓南雷文約

贈河南彰德府同知謝泰履墓 在甌筆山史大成志其

墓

處士周養性墓

在泰邱鄉盤磨謝泰宗志其墓

孝廉臧長裕墓

在東管鄉謝泰宗志其墓

以上陳志彙

文學陳衷赤墓

在崇邱鄉樟桐畧

采訪冊

處士鄭端明墓

在靈緒鄉北雪山

采訪冊

貢生薛士珩墓

在西管鄉白沙村謝泰宗爲墓表全祖

望爲家闕文

陳志彙

忠勇墓

在東門外關帝廟東嘉靖十五年倭寇亂官

兵格鬪死者皆葬於此詳忠勇祠

采訪冊

國朝

恩卹威遠將軍陸定國墓

在南薰門外

陳志彙

贈東城兵馬司指揮謝泰定墓 在靈巖鄉白居村屠粹

忠爲墓志

采訪冊

廣甯縣知縣李如珪墓 在東管鄉丁董村

采訪冊

贈監察御史謝泰登墓 在泰邱鄉盤畧薛士學爲墓志

陳志

稟

廷元授知縣謝泰交墓 在東管鄉朱家橋村吳偉業志

其墓

梅村集

孝廉謝賡昌墓 在東管鄉五里牌村謝泰宗爲墓志銘

陳志

稟

江南提學虞二球墓 在靈緒鄉

乾隆志

謝兆昌撰墓志丁

暉書丹屠粹忠篆蓋

采訪冊

東城兵馬司正指揮謝榮昌墓

在東管鄉孫家坂村

陳志

墓

碭山縣知縣謝歸昌墓 在崇邱鄉鶴眼山

陳志

貢生贈鎮原知縣謝得昌墓

在東管鄉清水浦薛士學

爲墓志

書巖集

文學陳夢蓮墓

在東管鄉瀾浦廟西

采訪冊

交城縣知縣李懋勳墓

在東管鄉永福菴前謝泰宗爲

墓志

天恩集

兵馬司副指揮任德敏墓

在崇邱鄉王家硤口

陳志

山東道監察御史謝兆昌墓

在靈巖鄉大硤頭

乾隆志

贈三臺縣知縣謝諤昌墓

在東管鄉雁宕村姜宸英撰

墓志集

湛國

陝西洮岷道陞山東叅政謝緒光墓 在東管鄉堰橋村

采訪冊

州同知謝燕昌墓 在盤溪下樂畧陳廷敬爲墓志

采訪冊

南雄府經歷謝師昌墓 在靈巖鄉靈峯山下

中書謝緒彥墓 在東管鄉范家橋村

南康府知府謝岐昌墓 在東管鄉五里牌村

教習知縣謝緒恆墓 在東管鄉中官路村

孝廉謝緒宏墓 在東管鄉慈孝村

孝廉謝緒守墓 在崇邱鄉方前村

長泰縣知縣張懋建墓 在東管鄉官路治

以上陳志棄

孝子嚴積善墓 在崇邱鄉泥灣

孝子陳景沛墓 在崇邱鄉樟桐畧

雷瓊總兵徐忠墓 在西郊外雙橋村

署廈門提督周國泰墓 在崇邱鄉後袁

海壇總兵孫大剛墓 在西郊外慈園

金門總兵吳奇貴墓 在干畝畧

狼山總兵謝朝恩墓 在海塘下萬壽菴側

以上采訪冊

案總兵殉難於金雞山之麓其屍隨海潮飄至海

塘下鄉人識其爲謝公也收而葬之一官身有傷

痕知爲總兵將弁也耐焉

附義冢

宋熙甯三年有詔收葬枯骨凡寺觀旅櫬二十年無親屬收瘞及死人之不知姓名乞丐或遺骸暴露者令州縣命僧主之擇高厚不毛之地收瘞名滿澤園周以橋欄底以土之所宜木人給地八尺方磚二刻元寄之所知年月有姓名鄉里者併刻之

明洪武五年諭禮部曰近世死者或以火焚其禁止之若貧無地者所在官司擇寬閒地爲義冢俾之葬埋

國朝雍正十三年十月二十四日欽奉

上諭嗣後如遠鄉貧人不能扶柩回里不得已攜骨歸葬者姑所不禁外其餘一概不許火化倘有犯者按律治罪族長及佐領等隱匿不報一并處分又聞漢人多惑於堪

輿之說購求風水以至累年停柩漸至子孫貧乏數世不得舉葬愚悖之風至此爲極嗣後守土之官必多方勸導俾得按期葬埋以妥幽靈以盡子職以上乾隆志

乾隆二年三月奉

恩詔內開窮民無力營葬並無親族收瘞者該地方官擇其高阜隙地無妨耕作多設義冢隨時掩埋毋使拋露陳志

城外

招寶山下義冢量計五畝地係官山山下置有石塔兩座

乾隆志

東管鄉

沙頭村義冢明萬厯三十一年置東至漏澤園碑爲界西至石址爲界南至奉院道明文所立碑爲界北至塗田爲界計官地十八畝二分

大西門外義冢量計一畝二分

沙頭亭西義冢量計一畝一分邑令周家齊置

東管義冢量計二十七畝七分

以上乾隆志

永泉菴前義冢量計十四畝令黃敬熙置地濱江低窪秋時海潮易入光緒二年冬里人王似槐徐裕德等募資數百金鑿溝取泥自東至西填高三尺許南岸築一堰以洩水濱江處築隄十餘丈隄闊而高海潮不爲患

虹橋義冢在官塘路外東首量計一畝五分同治三年濟

仁堂置

朱家村義冢土名大升地量計四畝同治三年濟仁堂置
接待菴前義冢在大路南首土名橫升量計一畝咸豐六
年廣仁社置

中央舉義冢量計一畝二分同治四年里人謝仁澤募資
置

中央舉義冢量計五分嘉慶六年置

中央舉義冢量計一畝咸豐三年里人謝仁澤募資置

中央舉義冢量計十畝同治六年里人徐名義置

外塘下義冢二都三畝量計十六畝

以上采訪冊

西管鄉

孔浦硤旁義冢四都二畝量計一分一釐六毫

乾隆志

西管義冢

乾隆志

靈緒鄉

大樹將軍廟側義冢四都三畝量計一畝有奇

乾隆志

官塘下義冢土名牛輓漚量計一畝五分乾隆間里人周

起鯤范永豐等捐資建石塔二座置田十畝九分爲歲時

掩埋費

采訪冊

崇邱鄉

大嶺山左義冢一都二畝葉字三千三十七號山一畝五

分東二十弓至謝家山爲界西二十一弓至山頂界石爲

界南二十弓至山嶺路爲界北一十九弓至山腳嶺路爲

界乾隆十五年欽縣鄭宏澤捐資置又同地保收埋無主
棺骸六百二十口分作九冢各編字號冢前樹立永安墓
碑工成邑令給匾優獎

陳志
棄

大嶺上義冢一都二畝土名茶園地邑人沈寶恩置

采訪
冊

崇邱義冢一都四畝約計五分

蚶舉廟東義冢三都三畝在梯子嶺下量計三分

後海山義冢量計三十畝

練盆山麓義冢萬厯三十二年置量計三分九釐土名肚
胆山腳東十二弓二分南十五弓五分西一弓二分北十
四弓四至埋石爲界

墓術義冢四都二畝約計五分

崇邱義冢四都二畝量計二畝零

倒騎山義冢量計五分零

小峙山義冢約計五分

以上乾隆志

青豎嶺義冢在密雲菴側量計三畝

采訪冊

靈巖鄉

瀉水坑義冢量計六分零

靈鷲山義冢

山柱灣義冢

烏金碛旁義冢二都二畝約五分

演法堂畧旁義冢二都三畝

以上乾隆志

泰邱鄉

盤鼻溪橋旁義冢量計二分零

薛家園北義冢名古冢墩量計二分零

裏奠石義冢量計三分

泰海山義冢約計五分

以上乾隆志

上周舉義冢量計二分

采訪冊

洋河漕義冢

采訪冊

張錫路記 癸卯秋八月浙東大風雨平地水數尺漂田廬壞舟楫無算其浮厓之棺隨波逐流沒入江海者亦無算水既退出曲水涯村前屋側無處非棺橫斜顛倒敗壞不可收拾明越台三郡皆然鎮海靈巖秦邱二鄉東瀕海西南北羣山環之水道不與他鄉通而棺之暴者當有千計李君世茂見而憐之募人昇之隙地招其子孫之能識別者歸之不能者守護以待之待之久而終無可歸者購山地於泰邱之洋河漕為義冢以葬之其葬也橫為行縱為級層累而上若階梯然棺一具為一家深五尺崇三尺旁廣二尺無棺者為製棺零骸

殘骨別爲大棺同理一冢凡爲棺六十有五爲冢千一
百二十有八設棘籬以衛之立典守以主之置田產以
贍之歲時有祭培修有資法至善也嗚呼李君之爲此
舉也意則美矣法則善矣吾獨怪夫吾浙之陋俗惑於
形家之說親死不葬以覓風水富者不惜重資延請地
師登山涉水經年累月以求所謂吉壤者吉壤未得而
其家已破矣貧者無力購求亦且謂吉壤者有待待其有
亦且效富者之所爲一棺之厝遠或數十年近亦不下
五六年殯宮頽壞棺木朽腐猶不思所以安之竟聽其
漂入大海收歸義冢嗚呼慘矣夫天之愛人甚矣人雖
不善豈於既死之後猶加以放流之罰哉誠以死者無
靈生者有知爲人子孫忍使其祖父遺骸歸於無何有
之鄉混於不可知之數稍有心得有祖父遺骸歸於無
哉今李君之所爲特一鄉耳一鄉如此一邑可知一邑
如此一郡可知即他郡亦無不可知吾是以因李君之
請記而反覆推詳以爲天之示戒吾浙人者至明且顯
至仁且厚而人猶口不爲意幾於無復人心矣天其能
終愛之乎干戈甫靖大災又降可不懼哉可不懼哉

海晏鄉鎮隅附

海晏義冢約計五分

海晏義冢二都一畝量計二分

龍爪嶺義冢量計五分

以上乾隆志

周公山義冢

沙塘義冢

廟嶺菴後義冢

穿山義冢

以上采訪冊

鎮邑窮民多於山麓水涯浮厝棺柩少覆泥土爲時未久卽見暴露乾隆十二年秋潮湧入濱海之處漂出尤多邑令王夢弼旣捐資收瘞又於每年春冬二月遍行各鄉見有敗棺卽爲掩埋歲以爲例焉

乾隆志

同善院在西門外化身菴側乾隆四十二年邑令周樽倡

建地廣六畝一分七釐院房五間左二間安放男棺右二間安放女棺中堂祀土地神石塔三座左男右女中不辨男女者其田畝及捨棺諸條款詳院志

陳志

周樽田畝記 粵積澤及枯骨王者之仁周禮墓大夫掌凡邦墓之地域爲之圖令國民族葬而掌其禁令故孟春之月掩骼埋胔孟冬之月審棺槨之厚薄營邱壟之大小高卑甚盛典也鎮邑控海商民四集貧不能卜葬者往往於山巔水涯浮厝棺柩歲久枯骸暴露白骨累累予自魏塘移宰是邦驅車過之惻然曰此非蒞土者之責乎憶予之任魏塘也曾率行同善會爲瘞埋計納與會者以公正好善數人爲董事按季輪換稽其出入除收骨外有餘置辦棺木焉今夫匹夫爲善於鄉捐地掩埋捨棺濟世若實禹鈞之葬二十七柩甯從禮之施棺槨與人且可以格天心而獲善慶况乎上行而下效風流而令從也哉予因捐俸首倡而衆紳士翕然相從所得捐資共銀八百兩卽有應生問六捐錢五十千獨建一塔爰於城西化身菴側擇買民林姓田四畝馬姓田一畝六分七釐童姓田五分建造三塔設圍牆以爲限撥迴龍菴僧一人酌置田數畝爲飯食資每於清

明中元十月朔收骨入塔如貧戶無地可葬許其就塔旁餘地暫厝尅期三年無人識認者檢收白骨入於塔中其所施棺木貯城隍廟後以城隍廟爲公所設首事十八人領銀生息俟置田產以所收租穀爲經費并所糾同善會廣行之歲設總事一人爲歲會四季設八人爲月要衆紳士籲請詳憲予上其事於憲令以此捐銀所置田畝官爲之掌流傳交代永守勿替又有招寶山議點夜燈以濟舟楫月撥同善會內四百錢交山僧每夜張燈司事隨時稽核亦廣推爲善之一端也伏讀今上恩詔窮民無力營葬者地方官擇高阜隙地多設義冢掩埋則斯舉恢之而彌廣也宵不重有望於後之蒞斯土者乎是爲記

廣仁塔在縣東北三里康熙十六年左都督牟大寅建置

田十畝

坐落東管鄉二都二箇白龍洋地方戾字二百五十三號田三畝七分土名百丈漕戾字二百五十五

四號田二畝八分土名漕頭田戾字二

百五十七號田三畝五分土名長升田

命僧照蘊收息爲

瘞葬費

謝兆昌記

吾定帶江負海而候濤兀峙其間銳師徒乘障列守嚴若天塹雖樓船數千不能飛渡也故形勢

實爲東浙冠其山脊橫江斗發巨石磷磷出海中金雞
虎蹲俯伏其下習形家言者爭尙之其地不隸稅籍邑
之貧而無以營葬者視爲蒿里數百年來風雨之所淋
漓孤兔之所窟穴以及樵蘇壁壘蹂躪幾遍而遺骸積
於邱陵矣歲丁巳都督楚中牟公大寅號洪開較閱山
下惻然憫之因捐資鳩工築浮圖於東山之麓命僧人
照蘊輩其役凡無主而暴露者悉歸藏焉又復置田十
畝使僧人世守以爲掃塔掩骼之資可垂永久同里學
使者虞公額其塔曰廣仁其盛舉也余聞公之初鎮婺
也屬鄰疆警至公所身經數十戰未嘗挫衄竟以敵愾
功第一開府吾定自公來此而海波爲之不揚公遂專
意撫循吾民不踰年兵安於伍農安於郊商賈安於市
昔之神武若一無所試而又推其餘恩以及數百年已
枯之骨豈曰施德冥冥而已哉夫仁者必有勇公向之
摧鋒陷陣非不足於仁也今之噢咻及物非不足於勇
也然而施之各異者安危殊勢而仁心爲質則一也今
茲邊境比安而蛟龍濡沫之區觀望旦夕者往往多有
脫一日梯航而來歸遙望茲山之麓浮圖屹如曰此大
將軍所謂生死而肉骨者也夫將軍不忍於死者其又
肯忍於生者耶若輩不生受其恩於爲兵爲農爲商賈
之日而甘暴露於盈城盈野以動將軍之歎息耶吾知
必涕泣歸命恐後無疑也請志之以志公仁且將與茲

山同不
朽也

道光間寶陀寺僧某以廣仁塔田盜賣與陳姓爲業里人
倪本壩等訟之官陳姓以所賣田畝阡陌更改不能歸復
因以他田兌原田更助田八畝零坐落東管鄉石塘下土
名下洋畝量計三畝四分
分一釐土名墳後昇字三百八十三號量計三畝八分五
釐土名東沿河量計六畝又量計四畝又量計二畝六分
本壩等復於廣仁塔旁建置廣仁新塔二座男女各一每

歲以十月朔收埋數日

宋訪
冊

萬緣塔在平水閘橋南義冢地內乾隆十二年秋邑人孔
尙德捐資延瑞巖寺僧宗輝建

普同塔西管五都永甯寺西園康熙十年寺僧自明建又
構屋三間爲齋祭所置調閨二號田十三畝爲掃塔掩埋

費載邑生劉上墉永甯寺碑記中

陳山塔崇邱二都雍正閒邑人張學伊建塔分男女塔外隙地爲義冢

龍山塔崇邱二都雍正二年秋颶風大作海潮湧溢棺浮露者不可勝計邑人胡應仁捐資建塔以瘞之

以上乾隆志

同善塔崇邱三都燕山硤旁嘉慶閒邑人姜有功捐資建

陳志
纂

同善塔在燕山下塔分男女嘉慶二十年里人徐起南建孩兒塔海晏二都一畝廟嶺菴前邑人胡孝琥建

廟嶺菴後塔海晏二都一畝里人范芝盛等建

河頭溪口塔伴雲居僧靈溪建

普同塔海晏二都一畝乾隆閒里人周孝全建

同歸域在穿山碑旁義山巡檢金文棟暨里人虞丙鑒捐

資建

以上采訪冊

補遺

孝子劉元濬墓 在靈緒鄉後官塘路

張鑑碑義冢

慈園前後義冢

新周義冢

老周義冢

范家橋義冢

徐家堰義冢

沙頭菴義冢

施家漕義冢

上豐林廟義冢

長河塘義冢

丁董義冢 上東管二都

江塘下義冢

朱家橋義冢

草菴前後義冢 上東管三都

潘家堰義冢

孔浦江塘義冢

上陳義冢

曹家庫義冢

外曹義冢

烏家村義冢 上西管四都

白沙義冢

南堰東首義冢

西成廟前義冢 上西管五都

廟基義冢

菩提菴後義冢

貴駟橋義冢 上西管六都

牌門頭義冢

油車港義冢

沙河堰義冢

後樺木廟前義冢

周家堰義冢

董家畝義冢

武功村義冢

大磊山麓義冢 上靈緒一都

羅家畝義冢 靈巖二都咸豐間邑人盧湜募資置光緒
二年里人顧槐董德綏王茂椿賀東瀾王炳謨等重興是
舉改同仁局爲同義集光緒六年里人林永孝復出資置
產爲集中掩埋費

同善塔 東管二都范家橋村

集義塔 東管二都海頭周塘路外同治元年建塔外義冢十餘畝里人徐明義置

江塘塔 東管二都

同仁塔 東管三都菱漕村西道光間里人陳召南捐資建塔外義冢量計一畝零

雙塔 東管三都橫河堰上

沈郎橋義塔 東管三都里人葉本善建

礮臺下塔 東管三都

永安塔 西管四都鎮里橋東

同安塔 西管四都採蔣橋東

萬善同歸塔 西管四都

普濟塔 西管五都

同義塔 西管五都道光間里人胡允善建

普安塔 西管五都萬安橋傍

周家塾塔 西管五都道光間里人洪其份其芳建

歷賽堰塔 西管五都

朱家岸塔 西管五都

田施對河塔 西管六都駱駝橋東

牌樓港塔 西管六都

廟後塔 西管六都浮林廟後

孤壇塔 靈緒一都

同善塔 靈緒一都道光八年里人劉緒聆建塔外義冢

量計二畝四分

虹橋道頭義冢暨義成塔一座咸豐間里人白瑜玉置

同善院義塔在龍山所北城外道光二十年里人鄭清源

鄭志賢鄭樹之出資建造

鎮海縣志卷三十六

寺觀

自楊衍之作洛陽伽藍記踵而起者於琳宮寶刹輒誌其盛慈悲感應二說與吾道忠恕之旨頗有合焉鎮邑山川勝處大半爲二氏所棲福區都麗像設莊嚴蓋將上祝

鴻祚下佑民生冀有造於斯土而訪遺蹟剔殘碑亦攷古者所樂爲取資也不得以幻迹視之

城中

總持講寺縣東北一里唐咸通初慧鑑大師勅乾甯三年賜額曰護境宋大中祥符元年改總持院建炎間燬後重

建延祐俗呼七塔寺明崇禎間僧眞拙修

國朝提督張杰常進功重修總兵朱萬化創建後殿雍正志

謝泰宗記 夫人樂於其業者恆於其職勿失其正者兼有其餘人情乎亦願生平所好何如耳所好既端不妨反用之以生其趣故將軍翔文章之府書生踐戎馬之場老僧釀酒美女翻經亦偶爲之偶爲之者可以占其性情之所至而職業之餘勿論其樂不樂矣麻公之修總持寺也豈然哉麻公者郤院李公中軍副戎也領千人調防定邑以海外警公未至有司掃民舍之完好者以待公曰無庸也吾之來以除蠹於海乃身自爲蠹於陸乎余嘗見調防者不隸於其地之主將體貌隆焉當事惟恐涇原粗糲爲厲一切虛假其將亦嚴然一上官之軍民兼轄者自待乞廚傳諸侍於公家少拂意則謂吾以百姓故備千糧有淫者卽數擊鮮豈久恩汝爲卽六郡良家子跋涉飢渴手足痺痠亦或予之長假俛有所休息以奮其隊階之勇如此或強於市或擾於室而有所司者莫可誰何矣汝豈以吾爲將沈沈乎卻之就館人以時填報者得撫軍空署援止焉其帳下士悉處之廟院宮觀勿令鳩居鵲巢也卽余觀古剎邑中若總持寺亦宏敞哉大雄殿內幾可豎十丈旗霽靈光側

於右如泰山之於云亭後爲三聖殿其前左爲鐘樓右
爲藏殿門之兩旁金剛四座位焉其前數十武許登以
方池貯功德水又更前七浮屠儼然若羅漢東遊而持
鉢於此舊時殿側有閒館三以備二千石郡丞諸使君
之所稅駕而池之左別築館以署司理限於地也今諸
館與藏殿廢矣其大殿若門亦將就圯時公帳下士多
前蕭於是公因撫循而及之也指迦葉曰此低眉者何
將以說法指金剛曰此努目者何將以護法其奈何不
能救此一方民也豈所稱三佛地國乎寺僧曰觀茲上
漏下淫潤浸北方雪霜灑灑支柱邪傾亦旣無能自救
且佛亦安能救民惟主生殺柄者然後能救之公豈不
聞馮公所以答阿保機者乎公唯唯曰余亦佛地位
中人也豈忍見青蓮相如彼器中鏗寶積蓋不放夜光
也哉凡高明之麗陶旋之瓊市諸市者其費百三十緡
聚庸築削取諸軍中而用之猶與人爲美云爾惟釋像
三尊高可七丈許舊皆徧塗以金思世尊胸前卅字涌
出寶光五輪指兜綿手具是豈其必璣珞以爲莊嚴金
其中者彩其旁者費又七十緡爲可事半而功倍耳是
役也寺僧欲之銳辟司徒欲之不與也公自爲之而早
暮觀厥成矣夫今兜鑿家有慶必謂邀福於佛疾痛無
不呼籲膜拜豈眞能佞佛者自以獲戾重大陰負良多
民不知而天特知之或冀其姑宥之也故宵寓兵於民

舍毋寓兵於宮觀豈知佛以救民爲本而甯身自舍者哉惟麻公則無求於佛有德於民於佛無求不妨借爲軍容舍於民有德而後兵無不戢自焚之患公眞能以佛心爲將心者哉殺人安人所謂慈故能勇矣公之調防自闕而杭自抗而甯所在以外祖稱卽佛矣奚但位中人然則公自修其寺耳卽茲早暮工役安知非借以稽軍實核伍役以默聯臂指公實軍容是飭倭佛云乎哉

嘉慶二年僧天然造後廳五間二十年僧繼道重修大殿

金裝大佛三尊造東客堂十四間二十三年僧性涵造西

客堂十五間

陳志

寺後有鐘樓宋紹興四年建明崇禎時

颶風圯令龔彝重修

乾隆志

謝系宗記郡邑鼓樓專設而鐘樓多爲寺觀有何歟如晉之龍漁觀唐之白鶴觀金輪寺皆有樓懸鐘也豈鑄鐘者類怯於力借佛陀氏立教首敷抑其地廣薦疏闊稱興作也雖然斯事也已非佛陀事也保昌龔侯以庚午治邑事每旦起鐘聲聞然無聞既而怪之謂父老曰以余役役於斯受命飲冰無能甘寢往從旅次聽立

號聲恍作起舞想今萍鄉更鼓反寂寂哉乃二三父老
叩堂皇告曰定有鐘樓麗總持寺之左廂造自宋紹興
四年今崇禎始元秋殿風頽焉至於今官司之無啟閉
庭閣之無早暮民聽實焚安得達執事之閒而圖之侯
白唯唯子初疑佛陀氏之舉也由諸父老所啟始信非
佛陀氏之舉也夫鐘主聲聲以出氣氣以舉事則士氣
繫之且鐘樓建自文廟之巽位文廟崇而巽方陷形家
言宜隆以鐘故建鐘樓奠之麗之非一時矣夫計者取
所多謀者從所可舉一而長利者謂之舉長也侯實經
始文廟若禪院之費曾營樓而觀而擅諸爲之求木於
山而加於山求灰於陶而加於陶不如此材不得長鬢
不得堅也冬十月借鄉先生大宗伯薛公建表定址由
是文廟之巽位稍遷就焉凡四越月而樓告成舊樓於
藏殿左右峙今從左而東者三尺從前而南者四十尺
增深廣者各五尺高仍其舊卜禪院天玉殿左掖蓋郡
司馬行署也署遷城隍廟側而鐘樓建焉樓眉起有三
俱內外井幹下簷四上簷盈六象上圓下方之義周其
疏四望而山嵐蜃氣龍躍虎舉於前也銳其頂使聳矗
之勢增六秀於巔官也其四隅則常翻而漢莽也其廉
雷則序豁而扉深也下簷之面西者翼以卷簷旁圍餘
椽爲僧寮俾早暮司擊事當鐘之方傾奚暇爲鐘計完
毀及淖濯漫蟻中得其貌矣而未明其聲也且鐘之鑄

歷五百二十五年也未知其樂其銃其干其鼓其鉦其舞之爲何似也雖四時九乳可枚數哉而橫角幹篆之閒微隙逗焉何以揚斯鐘煥斯樓而與邀成事侯自危焉父老諸青衿皆爲侯危焉王申十二月初吉旦復偕宗伯薛公試鐘聲之舊清明日黜瞋瞋人見黃雲覆其上聲三發野雉咸雊初則溜然似清既而溫然似和旣而毅然似任也蓋民之不聆是者三四年於茲矣乃今官司之啟閉庭閣之早暮民聽用不濫乎矧學宮之形勝占也宗伯公曰聲之通於政其清其和其任有如此鐘侯聞聲而歸益勉向猶有起舞今顛倒衣裳矣諸父老勒之石并紀其歲月矣或云鐘帶閒所刻鐫鐘者與侯同姓事之偶合若此抑亦有數存乎其閒耶總計其目凡用工一萬三百有奇其費金錢六百八十緒多侯之自出若樓工若殿工若字宮之工次第皆舉時赤米之價頗踴躍洋樵探者得以食其作力若成熟焉由是言之鐘樓非佛陀氏之資而爲司牧之責必也

國朝康熙二十九年邑令黃宮柱重修備

夢蓮記

吾郡古堊之國而鎮居郡之東北抵大海

校門虎踞雄峙上游以控制諸番閩粵吳會市舶梯航自昔屯重兵駐大帥於此所以鉦鼓鐘鏞不第以壯萍鄉之聲威而亦以雄師武而揚節奏焉鎮之鐘樓創自

宋紹興四年峙於邑治之巽位總持禪院之左廂嗣後
圯而復葺前朝天啟年間颶風損壞其樓相傳其鐘先
破壁躍出人咸異之以致鐘至今無損崇禎庚午保昌
龔侯更擇於文廟之巽位重新鼎造凡四越歲樓之聳
矗與鼇柱相雄峙登樓而眺日觀屏山環海洋洋形勝
早作夜息胥於鏗音是準邑之民驚醒提撕咸歸於有
覺矣

皇清鼎興車馬一統海外之國莫不獻琛來王正所謂
矚睽奏而民思服之狀也然時未及百載風雨漂搖鳥
鼠剝削向之輝煌秩秩今且剝落鄰鄰民固欲脩而未
有首領其事康熙庚午南平黃公來宰邑事民曰是可
以請矣於是鐘樓之葺緒爲請公曰鐘之聲通乎政
治啟閉早暮民聽不消非余司牧之事乎或以戰艦
城垣隄閘學校等役方劇似鐘樓無大關事要姑置之
說曰公者公曰此事更未可緩也夫戰艦城垣用以禦
封疆隄閘學校用以澤土庶然聞鐘而思禦侮之臣金
作而修禮樂之事誠非淺鮮事也爰解俸爲邑人倡復
取材用陶廣輪丹牓半載而樓更新登斯樓也心曠神
怡欣然如聞雞而起舞焉夫邑鐘之鑄與明龔侯同姓
事之偶合然垂之五百二十五年而龔侯以前庚午造
黃侯以今庚午復修豈時會之相須有數存其間歟第
龔侯以惠愛及民而行取粉署黃侯以治行卓越而超

擢銓司樓舊有龔侯像邑民尸祝而奉祀之以其惠澤及民深也今黃公之功德等於龔侯爰繪生像而並祀焉則二公之保惠我鎮民也鉅矣自今聆閣中肆外之音則二公之德澤將與鐘聲而並永焉

雍正年間復圯令李寶默重脩僧宗輝募竣乾隆嘉慶十

八年僧繼道重修

陳志

謝泰宗雪中憩總持禪寺詩楊枝塵淨三千衆祇樹園舒六出英身坐琉璃山月曉香燒冰玉色聲清蕊雲寶蓋旛幢覆佛女天花露掌莖不染素蓮搖白羽無根瑞葉亂瓊瀛濟人三白田公笑慧業諸空般若明幻入碧琳非世界花開頃刻悟無生玄關鍵故迷途畫縞帶車翻舞袖輕詩思滿橋何處是塔鈴靜證已無聲厲志舟次蛟川同姚野橋遊總持寺登大悲樓詩鬱鬱城東隅長松結層雲下覆古佛居暝瓦青鱗像教盛東南鐫塑各有神渡水但橫錫披衣笑紛紜出揖禪居子寂照頗有因歡然具玉酌賦麪飽山煖導我陟危閣北牖浩無垠楊波萬山雪激壑千雷奔我方乘扁舟傾簋入蛟門思此鳬鷺錯宛與魚龍親由來厯險地回視始驚魂老子大悲意拯濟故殷勤赤鏡下西日夕潮益掀翻羣舟未及岸挂席猶軒軒須臾擲流駛迴港將

投村我亦借佛
侶笑別且與還

觀音教寺縣東北二里宋皇祐初僧戒修辦建紹興中賜

額觀音院延祐志明成化八年重修洪常有記見金石

國朝康熙六年總兵朱萬化捐葺雍正志嘉慶年間僧德緣

明泉相繼捐修大殿向供鐵觀音訓導陳焯改書門額為

鐵觀音寺殿後四石將相傳自海漂流而得陳志咸豐辛

酉燬同治五年里人唐敬基等偕僧清玉募資重建采訪冊

謝泰宗詩信口念彌陀安知義若何閩言二九誕

降集優婆一佛起三名隨緣變化成涅槃原不入那得

授時生受劫數無央抽身選佛場圓通三十六世在

何方已滅輪迴苦金光受記真況云千燂首安夏受胎

身有生必有滅誰留青蓮舌
既為馬郎煩應從彼處說
淵德觀縣東北五里宋元豐元年建淵聖廣德王廟委道

士奉香火崇甯二年戶部侍郎劉達給事中吳拭使高麗

回奏歲度道士一名三年詔天下建天甯萬壽觀以本州

崇壽宮改置四年知縣事徐禋因請其額寘本廟宣和五

年改今額

寶慶志

建炎四年火紹興二年重建

延祐志

馬元德詩

霞衣燦燦璵璠洞府清虛夜不關童子採芝雲外去仙翁騎鶴月中還

國朝咸豐辛酉燬於兵燹光緒五年邑人沈開祥鄭永錫

顧兆正等募資重建

采訪冊

海雲菴淵德觀西萬歷四十四年僧眞拙建爲往謁洛迦

行腳棲息之所儀部郎華顏題額

唐令志彙

謝泰宗記 釋家有三施而心爲盛矣有其心斯有其法與財也然有心化而無法可說者達摩九年面壁不立文字是也有心眞而無財可作者一智人破一微塵書寫三千大千世界事事無礙矣況蓮花洞多寶塔

鷺嶽香城度四衆於彼岸哉其以我慢貢高也無能和
尚既創半超菴於奉邑之南鄉極利濟能事矣有懷夫
契此和尚十處放光現入萬四千燦迦羅首毋陀羅臂
方有意於南遊也契此非寓於慈邑者乎師亦十重表
自利現身說法而爲放光之舉夫將學爲全超者以證
因果之一契了體用之雙影詎半之云哉今大士之靈
異莫著明海岸孤絕處也耆臘導首自四方梯航至者
若蟻之附羶其有不及梯航至者最勝兩足尊矣廬旅
之寄卓錫之舍豈有置行腳以爲廷安蓋梯航至蛟關
而途盡風霜所蝕飢餓隨之誰言金剛體不壞者表智
表慈之輩當觀五欲無常以求善本於身命財而修堅
法師不顧其四大也信心得度隨宜勸說則於定邑之
北偏得隙地焉蘿草開林庸卽有黃金布地白玉爲田
者然通液水企蓬山偕是以濟梯航者之六息何必彌
猴江火龍窟迦蘭隨竹園之爲精舍也其亦蒲團可以
卧月法食可以飫鳥庶幾風霜飢餓之患是避乎師曰
君子自治以繩接人以樵引而長之何地不具方便之
門在欲行禪一乘卽包無量之義雖空中樓閣善財於
是祈解脫而合掌參之也以彼望補陀巖來者未嘗覩
海若而魂驚矣埒井之蛙望洋自歎旋其面目人則異
於是而堅固地轉不退輪別相卽同相壞相卽成相風
火水詎能阨之哉然而渡此者或一日或旬日或至白

月至黑月無如此甚深海世界矣有是以息其塵囂引
其杯渡雖非莊嚴妙土亦奚必減吉祥福地也且四方
至止各證天人豈無趙州鄧隱峯其人乎以其未悄然
於心者質諸吾心曾不知未嘗悄然者彼所費第草鞋
錢吾所迷引也是在婆羅佛廟東又不知吾之爲彼接引彼
之爲吾接引也是一僧也爲門三楹布袋和尚在焉後二
座稱之一殿一堂矣周以兩廡樹以勝旛所稱青蓮湧
而白雲拱者哉余第見捧鉢至者以爲歸也師亦豈自
爲戒其於人世亦罕所求獨是仁心爲質之志服念不
休先爲菴南鄉也亦以慈與奉舟車輻會思所以跋涉
資今乃使方廣苾芻無憂行旅又孜孜然欲得趙州鄧
隱峯輩與之證名燈名電之秘於是四方耆臘奉無能
師卽三十六相之大士披茲法誦卽辟支佛威儀何更
有補陀巖元津釋網爲猶是海岸孤絕處而觀止矣邑
諸生謂斯地當學宮脈發處然龍之有脊不宜有鐘磬
聲夫龍背利其聳之也弗震弗洶脈其滿背鐘磬之聲
猶與金玉音相比乎昔張僧繇畫佛天皇寺并及仲尼
十哲也師豈弗知夫固謂今之天皇寺猶勝孔子廟也
而是菴則於三清老君之右豈佛法出老莊語固足徵
乎師不惟有德於人
亦有德於三教中者

謝泰宗詩。北風海潮震樓櫓。沙湧城頭見淨土。雜草
開口雙樹間。紺宮聿新耆臘古。瑜珈不作惹白觀。經行
禪誦鼓鐘至。午濤聲梵聲一枕閒。大空小空忘爲虎。風前
黃葉鼓鐘至。音月下寒林證佛祖。有師無能廣陵來。始
茅茨經像開。青山給園相繼美。九衢四照黃金堆。三十
年來慧能隨一。拳豎出光明。指玄津釋網。三明起方廣
空門靜住子。爍羅千手原一箇。虛空作證誰負荷。理會
眞如不二門。東林支惠聲相和。浮海觀音蓮花座。朵朵
紅雲善財卧。昨者達摩雙履過。已把孤蘆輕嚼破。諸僧
自謂具神力。鉢盈法喜禪悅食。如何雙鴿口。生翼屍陀
林肉味亦得不。聞火宅自生涼。何用鑪臺金碧飾。淨名
已足遍萬方。飴露香流滋蒼蘆。驅原有盡漏。難堪觀自
無生語。亦默試看門前沼水。何淪漪我爲老僧歌醜醜。

心菴居城之中有井在宋帝廟側今圯

增敬禪院縣北二里一名三官堂

太平菴在三元殿後

月德菴縣北二里

水月菴縣北二里以上采訪冊

清隱菴縣東北二里

蓮華菴縣西北二里

寶林菴縣西北二里俗呼中所菴

龍華菴縣西北二里以上乾隆志

彌陀菴在龍華菴東一名淨土菴

法華菴縣西二里晏公廟後

聽潮菴在城北林府廟後康熙三十六年令唐鴻舉建以上

陳志

案

城外
寶陀禪寺縣東大海中梅岑山唐大中閒建明嘉靖三十

六年總制胡宗憲徙於招寶山四十年總鎮盧鏜又徹其故圓通寶殿構於山麓分爲兩寺慈人張謙爲之記嘉靖志

案山麓一寺未詳圯於何年殿址及張記今亦無可考

萬厯四十年山巔寺燬獨存大士像重建立西向天啟四

年知縣顧宗孟修唐令志彙

薛三省記 邑之東隅屹然俯城而峙者麓柱山也其麓吞江而北鬲海登望海天無際日本諸域隱現可窺而普陀洛迦山若可憑蓋王荆公所題平倭第一關者也山往無城并無寺嘉靖末倭寇海上而引倭盜汪直輩舟且躡城守土者備揣其踞山而注矢石城中直立潰耳微有天幸不數日解去督府胡公乃謀築城山巔而名以威遠此城所自始也時洛迦山普陀寺適燬於倭而大士像獨巍然烈燄中此卽唐時倭使所迎及蓮花洋而舟阻因供奉於山世傳不肯去觀音是也當事者以爲神屬僧眞海奉之南遷以延香火因虛普陀而

空其山其慮遠矣此寺所由勝也寺故面江屏南山而遠負伏龍山以爲展合形家法故數十年香火之盛遂壓普陀及萬歷壬子寺僧不戒於火而像復僂然存寺以更創而僧先中他議因更寺西向而溯江以爲勝如今制此寺所由改也蓋自山有城城有寺主者依此構區室歲頓甲士百人爲守且憑大士之靈邑以無恐然城初囓巖相錯易圯屢繕不能固邑以是役不無少苦頃之颶風淫雨間作城圯且半我願侯心自念若姑繕如往昔費殊省然歲勞百姓積之亦不貲不若一大修繕爲數十歲計顧無所得費則搜餘藏不足則請商漁溢稅凡費銀四百有奇而計工凡二千八百有奇皆官爲僱役不以煩百姓及城成百姓絕不知工所從起與所由竟也已乃捐俸廩之餘莊嚴梵宇若大悲閣萬壽樓巍然巨麗壯一年於定凡所謂恤我而遺以休者皆足侯功余繼侯五年於定凡所謂恤我而遺以休者皆足垂無疆此蓋其一微已城堅而後山之勢爭勝山城壯而後邑城之輔增重倘易所謂設險以守非耶則何以寺爲在易亦有之道聖人以神道設教夫聖人以人治而言神何也人之道遞而顯能使天下親而不能使之尊神之道遠而微可以柔天下而使天下之親亦可以愚天下而使之尊聖人所不廢也今世所神莫神於大士其德悲憫而廣大其教祕密而圓通其靈章顯而賁捷是以

德所普度則以爲慈王教所普化則以爲藥王靈所普攝則以爲威王慈以亨世屯藥以開世迷而威又足以警世頑故聖人之治可以化中國而大士之教兼可以化遠人能使東傾此其威神大矣寺燬而像不能使回心嚮之中海而易願四方蹈海者多淪胥之苦而濟以慈夫焉知非大士憫四方蹈海者多淪胥之苦而濟以慈航也此其威神又微矣頃自普陀復創內帑且賜藏經鎮之於是實繁有徒香積之廚幾爲盜資今之虞盜甚於倭而四方之販依者又不第虞溺且虞剽矣大士入火不熱之身一徵再徵以顯靈彰異於茲山蓋明指四方以鼉柱爲普陀而四方猶復以普陀爲普陀甘自淪苦海而以增東南之隱憂何愚而可憫也我願侯深切未雨綢繆之慮而又滅大士慈憫之念故重險以設王之守復因神以設之教其修寺而崇飾之若曰自古帝王之居猶謂非壯麗不足以示威而況梵宇乎是其指即繕城而增高廣之意要不失曩者創設之遠謀而非徒以佞佛也寺之落成則僧寂遠之勞爲多法得并書

又寺田記願侯既增繕威遠城及梵宮爲可廣容僧徒而緇流視往昔日就淪落寂遠而下不能數人侯慨然顧念此豈山獨而城孤寺復過高廣風散水溢地氣不聚使然何寺視昔加盛僧徒則加衰也余謂是或然

亦或不必盡然凡寺未有無積聚而能聚衆者也寺初
無他儲惟仰食四方曩普陀廢則四方倭佛者咸取依
於茲山故施廣而積多今普陀復興當事者雖敕諸來
朝普陀者毋涉海而衆不可禁則又屢敕猶之施也何
必盡奪此以饜彼卽彼涉海者亦慈割二三施山寺而
令終不行也是故香積儉而突時有寒煙僧無所得飽
不餬口於四方則坐待淪落耳今若得閒田數十百畝
佐之供使僧無患枵腹或能以人事回地氣未可知也
侯曰唯唯會邑有絕甲田向爲里遞所匿侯盡數得之
因以佐學之餘此區區者亦何足爲香積助夫亦姑爲
意猶不自慙曰此區區者亦何足爲香積助夫亦姑爲
倡耳余謂天下惟患無倡者不患無隨也三家之市闐
其寂矣忽有以聲倡者而衆且屬和有此故夫利倡者
且踊距蓋人情不鼓則不作從來若此故夫利倡者則
名倡則附義倡則赴昔有欲鑄錢而患銅不給者令僧
設像僞若鑄佛而施錢數百緡以號於衆自是銅日積
而錢不勝盜彼其假於術以爲倡而猶若是況設以誠
心者乎夫施捨亦義之高而附願施名於後世者夫豈少
哉卽以此山是岨者石也前不有倡者後誰與埤高益
崇而積成巍然煥然若此巨麗也今田所給侯毋或少
蓋惟少故後可爲繼聞月支國有鉢可容三十許石或

以千萬花投之無有也凡貧人以少華投之鉢卽滿此
蓋誘人令爲可投也夫使少者得投則投者衆合衆所
投庸詎止千萬故今之獻畝後日者焉知不連阡陌
以極乎廣輪也徂寂遠聞之喜曰請勒之石以勸來
國朝康熙五年總督趙廷臣重修

史大成記天下有山川之勝雖僻在一隅高廣可尋
丈計而其力幾與岱華等其吾郡之招寶乎吾郡北瞰
大海不五里而外長風巨浪浴日漫天使無招寶爲之
柱石控扼門戶則郡治皆波濤矣然則招寶一山猶元
老出綰鎖鑰爲社稷所寄賴疆圉所倚昆者乎案明志
嘉靖間念善陀遠隔梅岑恐滋伏莽創寺於此用奉大
士崇雷傑費山雲增勝寶貢往來瞻仰彌蕭然歲月既
久風雨攸侵材木瓦石半已剝敝榱桷漸就傾圯丙午
冬總制趙公駐節山陬指揮萬里波臣稽首蛟龍攝伏
諸島鷗泛水波不揚爰入茲寺黯然傷之顧謂文武各
僚曰凡名勝之地輒建梵宮不過爲僧人焚修計耳好
事者猶樂輸材華理用資淨業若此山者浙東門戶寺
冠其上足以鎮邊威遠揚國聲靈奈何棄勿治因以捐
俸庀材修治丹漆俾無廢舊觀命叅戎董其役閱月工
告竣土民駢臻煥然創立孫叅戎乞余文記之余思趙
公爲國元老勲在旂常旦夕入履乘石舟楫霖雨則公

之名應並岱華不朽其何有此山況此寺乎叅戎曰公之捐俸重修此寺也非特爲此寺也蓋公之治浙也猶視此寺也鼓者植之朽者去之漫滅者文飾之隱蠹不勝任者釐剔而易置之公其卽此寺以勵寮屬乎公之於人也猶大士也覺悟者併覆之愚昧者開導之能持名號者示度之其有沈迷而不能悔過者猶警醒而期望之公之慈悲廣大如此而尚且抑然不自居也若曰朝廷之慈悲廣大乎余聞斯言不覺手加額曰足以記矣公之慈悲廣大乎余聞斯言不覺手加額曰足以記矣公經此山不岱而岱不華而華他日獻雉之使道由山下百拜瞻禮曰天子有道大吏得人禦備飭而藩籬固事關鉅細蔑不修舉卽此寺可知矣公名廷臣號君鄰十六年左都督牟大寅重修

史大成記 康熙十六年夏四月都督牟公重修招寶山寶陀寺成以書來屬余爲記余觀招寶山傑立於定海縣城之東與竹山對峙相去不一里爲潮汐出入所經崩濤激湍雷轟電轉所謂大狹江是也東南瀕海之郡皆有水道以通舟楫於海然多浩渺遼闊莫可究詰惟大狹江兩山迫束舟行不得並帆銜尾而過猶惴惴然洞心駭目蓋天造地設以爲吾郡之門戶前明嘉靖時倭寇擾攘廬總戎鍾譚副憲綸始築城於山巔名之

曰威遠城而故總制宗憲又徙梅岑寶陀寺於其中此
寺之所緣始也崇階邃殿傑閣飛甍蔚爲巨觀登而望
之其南玉環島沙普陀諸山如浴鳧浮鷁滅沒於洪波
駭浪中而台溫往來之程指顧可得其北一望陳錢壁
下爲江浙分界蘇松沿海諸郡可以一帆飛渡其東則
岑江螺峯回音時駐兵之所用以控扼海道其西循龍
山澤山之麓迤邐而轉可達杭越聲息甚捷蓋一寺之中
四顧蒼茫而歷歷形勝已在指掌中他如旭日初升波
濤盡赤襲風間作蛟龍盡鳴扞達士之壯懷供詞人之
吟詠又不待言矣顧歲久弗葺風雨侵蝕丹青漶滅公
鍾定海之明年鄰氛既靖海不揚波乃以其暇葺而新
之不踰時而工就余思是舉也豈欲邀福於大雄氏哉
以招寶爲郡境之咽喉而寶陀又招寶之冠冕使不崇
麗煒煌無以表茲土之勝令觀者有所竦息且時與將
佐循閣憑眺則瞭望之遠近控制之疎密運籌決策一
覽而得此安不忘危之意也昔東魏時滄洲與遼接壤
李允則徒浮圖北原上見三十里而敵人不知爲望樓
也公之意得無類是乎余因樂書之俾寺僧刻石以示
將來公諱大寅字

四十四年燬於火僅存天王殿羅漢殿并大士像

以上乾隆志

劉孟維候濤山洛伽寺晴色松林麗招提俯大江潮
翻蛟水闊影落虎山降絕岸孤懸月遙山靜拂窗燈花
依磬結夕鳥渡雙雙

周俊民題洛伽突兀千峯望不畱梵宮迴與白雲浮
靈鼇駕日光先到古洞香潮響暗流夜半疎鐘清帶梵
天空一水碧澄秋莫言苦海無涯淡彼岸分明在上頭

薛三才望補陀大界名山盡道場獨看祇樹接扶桑
轆轤萬劫因香火龍象雙馴護法藏瓶水迸添潮汐上
爐煙散入海雲蒼蛟門直望天門迴幾度迷津問去航

薛三省和磬陀咫尺幾時攀倘恍天臨闔闔開日濯
琉璃明十界水含宮殿動三山蓮花隱現搖波白竹葉
參差著石斑莫道莊嚴消息遠月明滄海聽潺湲

邵鳳來遊蒲陀好將大海濯塵埃梵刹孤當寥廓開
翠嶼松蘿清色界碧天水月淨樓臺夜光破暝旭初上
晴雨飛空龍欲來如殺名山僧佔盡閒敲鐘磬在雲隈

劉堯賓題洛伽龍宮蛟室雪濤堆併是空王梵宇開
淨色青山塵不著寒光白晝日先來蓮洋人渡蓮爲楫

雲水僧居雲作臺到岸了無機巧事沙鷗慣熟也忘猜

沈一貫於寶陀寺答謝定海尹時汝健供齋坐聽潮音擁蕊芻俄聞大令送伊蒲軍需久已勞天下香積何

當徧海隅火釋千家飛雁驚漁歌終日誦萊蕪寺門黃葉風吹淨一道明霞映水孟

王炳詩海外傳補陀此間復有寺海外僧

延賓此間僧種蒔一佛分苑枯兩山各爭翠

李一鳴詩六道原無我浮生委此形客來秋結社僧過夜談經虛室月生自空庭雨送青憐余攬世網甯不

愧山

王彙禮詩四明山勢多繇延東來入海方迴旋千靈

萬寶可招得浪花雲影騰青蓮前秋我自三秦蒞海國

揚旄慚重寄撫夷擊楫達舟山此寺曾經三五至萬丈

珠光腳底來如嬉蓬島變雲雷氣吞九點揮八表紅霞

直接金銀臺寺門寂歷苔花紫圓光黯淡三千指要與

西方作主人布金喜合同儕美今年瀾汗生塵氛登山

揮羽臨三軍奏功悲仗神佛力大千一息能銘勳古寺

重教生面改如輪如兵飛瓊彩波捲連山到補陀慈航

利濟于秋在疇昔振衣登華峯黃河浩浩開塵胸手掬

頭盆玉女水洗明雙眼凌天風卽今觀海渺無極已把

靈機收拾畢只有輪囷報

國心還來此地常籌筆

克什納禮寺琳宮重煥碧山岑東枕滄流萬里深跋

浪魚龍馴海市逼檐星斗落旂林雞鳴島嶼潮聲起日

浴扶桑曉氣侵憶昔蛟門占利涉菩提明鏡照葵心

賁琛重譯泛蛟騰波鏡平分嶽澗風千載常明心昨曙

六時花雨盡冥濛諸天呼吸煙霞外初地登臨

鞅掌中願假和甘憑佛力濟川頻訊梵王宮

夕照菴在招寶山後山勢迴環松風掩蓋以夕爲佳今圯

寶山志

謝泰宗題菴層岡阻重險迴巒藏深礪幽屏列嶂開

月氣彩霓曳游履竟忘時倦飛卷衣袂卽看夜光生猶

然夕陽麗穿磴踏輕雲繡牆羅薜荔綺散晚霞紅光照

林木翳歸飛鳥暮喧朝夕池溶滴晏暘非星辰掩映成

瞬睨卓錫收飛聲食鉢龍定慧千峯煙光迎大海紫氣

沚蒲團心不移月下門欲闕烹茶渴難須石牀斜自憩

五鼓賜谷微羲馭咸池暄謀生旦暮窮

猶想焚膏繼何似光頭陀餘暉弄晚砌

又千峯已共落霞回下有菩提小院開樹冷欲呼羣

鳥集僧歸剛趁夕陽來雲旛影落彌陀塔佛面光流般

若臺何處松風聲嘶嘶餘輝暖藉古莓苔
海日生殘照色懸上方鐘磬動諸天寒衣曬樹冰仍凍香積流珠
突起煙沙上眠鷗魚樂飽庭前過鷺雀爭

憐江潮帶梵聲知急幾度漁人歸暮船
董守諭至菴訪臚瀑和尚時和尚禁足
雲引定中僧槐茗寒瓶沸松花土竈烝對經葉字細禁
足草團層觀海雷音淨吾師續此燈
春盡開生面浮雲拂袖過別時知有識悟後亦無多慕竺禪爲悅彈支
李不語解娑婆

又初夏再至菴訪臚瀑和尚
沿山修路入犬議再過
人飄影松材老廚寒骨髓貧海參終日水月入幾重雲
不問人閒世
何如學避秦

陸崑遊菴
海國無林木山隈獨翳然小厂依石綴殘
碣與雲連疎磬斜陽外焦原戰馬眠老僧知陸羽急爲
煮林

泉

周西題菴
夕照知名久斜暉滿院明懸崖流水細曲
徑踏沙平樹老人堪倚茶香僧自烹天高日落盡步屨
情
尚
畱

邵元觀題菴 數峯遙壓半山低竹影橫窗
翠欲齊僧懶烹泉猶未熟夕陽已掛大江西

普照菴在招寶山上今圯簡要志

觀瀾菴在招寶山上前臨瀾其後青壁千仞有泉出其中

今圯寶山志

石浪菴在招寶山上今圯寶山志

僧如訥詩 兀石柱中流安禪此晏修緣離宮檻出島嶼與雲浮海氣忽成市潮聲欲上樓坐懸雙碧眼望裏小神州

陳景浦案曰菴疑在仙人洞中故名石浪今石鐫

古佛猶存

雙吉菴在清川門外晏公廟後采訪冊

印江菴在清川門外陳志

迴龍菴在武甯門外明萬厯四十五年建乾隆志

謝泰宗過菴有族兄弟祝髮於此昔爲鳩居今爲鴿堂人化而佛卽此滄桑謝客神漂東林罔詔信口阿彌堪此

野廟

又舟過菴兼謁族弟晃泛尋春花未殘菱歌笑動整衣冠木蘭舟盪遊人醉祇樹園深慈室寬津到息言方彼岸喜生禪悅報厨餐鶴飛倦翻還依錫龍悟元音白上壇花氏離林經日影謝家玉樹露珠團重昏夜曉心燈剎火宅晨涼法蔭寒究竟圓通眞父母莫因棠棣重悲歎逝川拯溺今方亟五衍車乘半日桓

化身菴在武甯門外康熙十九年建僧明意從普陀來化

身於此故名乾隆志

普濟菴在南薰門外

梵皇宮在南薰門外張相公殿後

積善寺在武甯門外以上陳志彙

東管鄉

永泉菴一名路住菴在張鑑碕之西陳志

接待菴在前塘門前有長亭跨路乾隆志

廣度菴二都康熙二十三年建乾隆志

海晏菴二都萬厯間僧真拙建前有長亭跨路陳志

萬壽菴二都在萬弓塘上康熙九年建前殿祀總鎮牟公

大寅乾隆志

同向教寺三都宋建隆三年僧義明紹宗建名回向治平

二年改崇法延祐志明洪武二十年重建法堂五間嘉靖志

薛三才憶寺去海遠而近江時聞秋潮聲數椽茅屋傍叢林江上青山接漢陰霜白秋清天籟寂寒濤萬里

吟伏龍

謝泰宗壽地傍有寺其僧亦雅人也與之語而畱贈焉
百歲為歡慶德鄰交無內外一方人西來豈有金繩
路石上三生說果因 此理將無不可同死生悟到總
成空墓傍多少迷離草一度春光幾陣風 澄江印月
寫流漸吞吐青蓮映紫芝此夜更拈無鬼論只防宣室
有人知 鐘磬時聞日夕西此心寂處見菩提圖澄七
孔空明絮令得今生共指迷 參破從前劫底灰身依
淨土長蓮臺風鈴夜靜郎當語為報蒲團月影來 生
公說法石頭參不厭天花語自喃試
問趙州行腳遍歸來何卧舊長龕

半路菴三都在永福寺東自鎮至郡路當其半故名乾隆志

永福教寺縣西三十里僧清友置宋嘉定中請杭州仁和

縣廢院額名永福延祐志

國朝僧太曙廓大之為往來接眾之所乾隆志

積善菴二都任施橋間

福聚菴三都回向寺前一名茶亭菴

普渡菴三都柴家坂前一名草菴

善濟菴三都大河堰閒以上陳志

聚沙菴三都萬厯十年建乾隆志

雲憩菴三都萬厯二十年建乾隆志

西管鄉

普光菴四都在三官堂後順治十年建乾隆志舊為處士陳

養吾別業邑令周家齊有記采訪冊

水月菴四都舊名鷺林菴陳志

永甯菴四都在憩橋外有亭陳志

普濟菴四都在上陳村亦名上陳菴采訪冊

廣濟禪院四都廣濟橋北崇禎年閒邑人湯三仁莊承山

建置田七畝爲院產

乾隆志

普門菴四都一名菩提菴舊名孔家菴

法喜菴四都採蒔橋側

雲臺菴四都三官堂後

慧濟菴四都

白雲菴四都

蓮福菴四都外有亭

國朝嘉慶十年建

以上采訪冊

永甯教寺縣西十五里舊名甯波

寶慶志

晉天福中僧鑑瑩

建名明波宋治平初改今額

延祐志

戴良遇廣德提學于定川寓舍旣而雲莊提學亦來會次日庸道別去雲莊攜酒至明波約與同餞良以病不

果在雲莊有詩遂次其韻
已悲陰漠漠復感風颼颼
交忽已遠志合更誰求
酒甕漁魚樂同逝鳴鳥悅相酬
古毛義寺逢今貫休以之宴河曲相從賦刀頭佳會願
愆期感已先秋誰能

久寂實指景運行舟
落日川橋野寺幽風篁野蔓碧
遭周居建一舍今方到勝接三江昔未遊門外滄波飛
竹啼寒寂僧在蕭羅宮裏頭

妙勝禪寺縣西三十里後唐清泰年置名永安宋治平二

年改今額宣寺後有申明亭一名後菴鄭佃記羅適後

記見金石錄陳志

謝北呂再約同人遊寺詩
落日丹楓好放船隔江遙
望嶺頭煙樹健何與旁人事勝地能令我輩偏枕上黑
甜幾齋裏鐘聲寂思苦吟邊興餘
更憶梅花發十月從來早信傳

蓮宗菴五都順治八年建乾隆東有玉皇殿陳志

志

棄

保定菴五都蔡家橋西

清靜菴五都舊稱祖師菴

太平菴五都四方橋邊

龍會菴五都明崇禎八年建外有亭

復盛菴五都舊名裏三官堂康熙年間建

以上采訪冊

妙音禪寺六都宋元豐中僧普照置

延祐志

建炎元年徙本

州妙音院額以爲賜

寶慶志

明天啟年閒燬於火後復建

乾隆

志

萬民菴五都周家塾河西北岸舊名老法喜菴外有郵亭

普照菴六都與慈邑童窰接界

菩提菴六都

以上采訪冊

東林菴六都康熙三十八年建

乾隆志

普淨菴六都康熙二十四年建

乾隆志

永善菴六都水確口村外有淨波亭

陳志案

梵音菴六都萬弓塘邊康熙三十六年里民程九卿與僧

普賢募建

乾隆志

永甯菴六都在借邑港外有郵亭

采訪冊

靈緒鄉

息雲講寺縣西北六十里宋治平閒僧法志置崇甯初改

今額

延祐志

萬善菴一都順治七年建

乾隆志

雲靜菴一都康熙十三年建

乾隆志

廣福菴一都一名三官堂

鎮宅菴一都一名橋頭菴

種德菴一都舊名沈孔橋菴

以上陳志棄

福田菴一都向有積善亭明宏治間建隆慶二年秋潮損壞改名畝田

國朝康熙三年復舊額郡人史大成以花藏海淨題額

乾隆志

普會菴一都朱家尖山下與慈邑交界

陳志棄

祖林菴一都康熙十五年建

乾隆志

德清禪寺一都

陳志棄

永壽菴一都大磊山麓康熙十五年建

乾隆志

伏龍禪寺縣西北八十里伏龍山開舊名伏龍唐咸通三年鑒諸禪師置宋熙甯中改壽聖紹興三十二年刺史柳公武請廣福額後復舊額寺有一井冬夏常溫應潮增減

名海眼泉

寶慶志參延祐志

山邊有龍王堂

陳志案

柳貫詩

山閣凌虛起江天引望開連延黃竹浦隱現白龍堆雲樹離離出風帆杳杳來飛車倘堪躡卽此妙

高臺

朱景獻詩凌雲峻嶺隔凡塵嶺外湖天別是春一干丈巖人已往五百年事迹徒陳自傳道貌今無垢不脫

禪衣句尚新信是飛仙遊

戲處何須雲外望三神

威繼光題寺梵宇蕭條隱翠微丹楓白石靜雙扉曾於山下揮長戟重向尊前醉落暉衰草尚迷遊鹿徑秋

雲空鎖伏龍機遙看滄海

舒長嘯百尺仙橋一振衣

張鼎登寺晨遊項入雲霄頭氣蓋遙空六合秋平地

鳥飛千里樹碧天峯落萬層樓圖書冥度滄煙復法象

隨看太宇浮身在九重仙

客上清機自得梵王幽

張溥遊寺一翠鳥道入山中為訪禪師叩伏龍江霧

暖蒸千陣雨翠濤寒落萬松風鐙籠寶炬通宵碧花發

金蓮逗晚紅一笑出門天

地闊怒濤湧雪盪吾胸

薛士珩詩夜來聞說伏龍巖晨起推窗不愛眠樓遠

山深迷樹木峯高日近類雲煙眼花那處尋懸壁思渴

無時想碧泉何日剛風搏

我上放歌長用倚山前

資敬菴在鳳浦鼻口明天啟二年建

乾隆志

永樂寺在龍山所城南隅

陳敬宗詩不到招提二十年紺園風景尚依然未誇

鶯嶺三千界獨羨龍山第一禪坐對寒松雲出岫心澄

止水月當天無由更入香

山社細酌清樽揮五絃

戴良詩舜江京下幾官船幾聽潮聲任往還老去未

知重到日夢中誰識舊遊山秋風飛鳥來天外滄海遺

珠出世間為問爾翁強

健否龍山高絕許誰拔

雨花菴二都解浦山下

鎮乾菴三都一名洞門菴

成德菴三都

保寧菴三都龍山所城內

以上陳志

彌陀菴三都順治五年建

乾隆志

雁峯寺三都雁門嶺上與慈邑交界

點石菴三都一名草標菴

青蓮菴三都鳳浦舉底

海惠菴三都一名下菴

以上陳志

洞山教寺縣西北八十里梁開平初置宋祥符請額曰幽

棲洞山乃將軍山洞也

延祐志

國朝乾隆八年僧覺性重修邑人華顏講學於此有白雲

封古洞明月照空山之句陳志

正覺禪寺縣西北六十四里周廣順元年僧清肅建名回

峯宋治平二年改今額院有清風軒寶慶志

案乾隆志寺入靈巖一都中今改正

王曙回峯院詩 山勢欲壓海禪局向北開魚龍腥不
到日月影先來樹色秋擎出鐘聲浪答回何期隨使役

塵埃

王亘清風軒詩 海風拍枕燈初暗山雨打窗
人正寒料得此軒秋更好怒濤推月上闌干

袁梅宿清風軒詩 天風淨雲衣海
眼捲石髮醉起撲殘燈獨看端正月

陳景沛案曰延祐志載王文康公曙回峯院詩宋

咸平中以著作郎宰邑時所作自至正志誤入昌

國回峯寺下并改王荆公名今定海志普陀志俱沿襲之又寺有清風軒寶慶志謂四明四絕景絕而詩亦絕者定海居一景卽清風軒詩謂王亘七絕乾隆志錄詩附寺下不著軒名則詩中料得此軒秋更好之句奚著迨閱古蹟清風軒下注云事見正覺寺寺無軒名事於何見其故仍舊志之失不知訂正舊志謂軒見正覺寺下而寺觀中並不載寺名郢漏尤甚延祐志以是詩爲蔡覲作又爲王亘作均誤

佛泉亭菴四都外有亭

覺海寺四都施公山下外有涼亭

連洲菴四都與海相近以上陳志彙

上塘菴四都明洪武六年建乾隆志

海岳菴四都康熙元年建乾隆志

香石菴四都佛蹟山巔陳志彙

湖山菴四都順治十七年建乾隆志

圓覺菴五都今圯

呼童菴五都任家磯側

印峯菴五都洞山寺下

靜慧寺五都徐白山下以上陳志彙

清隱禪寺五都明萬厯年建

國朝康熙二十五年令郝良桐扁今名寺有產其東埠鎮

茶亭係寺僧司茶濟眾

乾隆志

般若菴五都一名草菴

廣會菴五都

大悲菴五都

寶慶菴五都外有亭

以上陳志彙

覺度教寺縣西六十里宋寶祐初置松林菴元至元十五

年改今額

延祐志

守塘菴在沈寤湖南元大德三年建名真如明嘉靖三十

五年改今名縣令宋繼祖有碑記詳水利

乾隆志

崇邱鄉

覺海禪寺縣南七里

案延祐志注十三里

唐會昌二年建名清海宗

大中祥符元年改今額

陳志

張錫路詩 古寺傍山麓一水當其門竹木青入座田園綠成村殿高燈無燄簾疏香不溫春秋逢佳日士女如電屯僧富不說法客多仍開尊迷途與覺路問佛佛無言

海濟菴一都初名衙頭菴明成化三年改今額

乾隆志

陳景沛案曰簡要志載縣南五里有海際菴元至

正中建今無攷疑卽是菴誤濟爲際

東山菴一都外有清泉久旱不涸

陳志

普濟菴一都在王家洋

采訪冊

慧日菴一都在茅山麓元僧永陸建

國朝康熙五十九年邑紳謝兆昌重建

乾隆志

靈隱菴一都在沙嶼嶺上外有亭

陳志

靈鷲菴一都陳山北畧中陳志

大悲菴一都饅頭山下采訪

西竺菴一都在竺山下旁有銘亭采訪

龍樹菴一都康熙三十年建乾隆

太平菴一都明奉祀關帝神像

國朝順治五年寇犯邑改今額乾隆一名大石門菴陳志

蘿月菴一都順治十年建乾隆

聚雲菴一都在石橋外有亭

延壽菴一都一名小石門菴

寶鏡菴一都東岡硯一名老硯頭菴嘉慶年間建以上陳志

永濟菴一都在墓孝陳采訪

福聚菴二都在陳山村係古刹康熙三十一年僧本融重修

乾隆志

廣利菴在高河壩明天啟五年建西有樂聚亭三間

國朝康熙四十五年邑人張學伊勸建

乾隆志

亭中奉關帝

神像地當衝衢往來休息嘉慶年間里人捐資置田立碑爲夏時施茶之費菴僧司管

陳志

淨居禪寺縣南二十里唐乾甯元年置名龍明宋治平元年改今額寺之青林山舊有鰲井久而湮嘉泰中旱令商逸卿訪故迹而禱之卽獲甘澍商信之篤政成抔土以往後守南劍旱取土置水祈而得鰲遂雨豈至誠所感固如是耶

寶慶志

國朝康熙三十六年寺僧宏勝重建大殿天王殿曹府志

唐鴻舉重建天王殿記 自浮屠氏入中國儒者非之而名山勝境所在多有雖聖君賢相勵精圖治未有不闡揚而稱崇之者蓋其道與儒大異而其功實有助於王化彼夫頑民懦夫桀驚冥鈍教之所不及行法之所不及施而引而進之梵宮莫不望風流涕稽首輸情思以悔過而遠罪使并此片時之誠一念之善而俱無也凡為治者不愈難乎固知西方聖人其道行於中國誠不可旦夕泯滅也余自乙亥筮仕鎮令將欲與民更新訓之以禮防之以刑示之以孝子悌弟義夫節婦溫柔慈良之治而有志未逮也每月朔望必集紳寮耆庶齊赴公所命諸生宣講聖諭而大江以南相距十里有淨居寺者嘗一再至其中率士民而董勸之且信宿焉因遍觀其風土寺有山可以取竹木柴薪田可以耕獲畝地可以蒔蔬菽菹菊茗繪數十衆亦時誦梵唄而禮乘典鐘鼓之聲與松聲竹響輒相應和洵可稱祇林福地也土民遊乎此者其獨無悔過遠罪之思哉寺之興也始自唐乾甯間原額龍明而其大則為羅僧蓋千餘年於茲矣雖隆替有時而招提佛火越至於今不廢寺誠古矣余時讀法之暇借諸生登絕巘一望遼闊大海環其東北其西南則

葛仙煉丹處陶宏景居阿育王戒修遺蹟山麓有鰻井
龍穴甚靈宋令商公禱雨有驗後陞劍南拓土以往旱
時以土投水鰻起致雨余命汲潭水煮茗飲之甘而冽
噫異矣所謂地以人傳者其在此乎僧言寺舊創甚宏
敵且有碑記自前朝萬曆四十三年僧不戒於火灰燼
之餘一無所存歷年以來雖草創粗備而大殿未成行
將與天王殿同有事於重建越二年而僧以落成來告
問其垣墉則曰光燦陸離問其貨則曰約千餘金問其
楹則曰日某僧獨肩募之某士民共捐成之而其半皆
自出則曰某僧獨肩募之某士民共捐成之而其半皆
住僧之所寸錄累積於田畝拮据中者問其鳩工庀材
則曰始自丁丑不閱歲而工完余竊怪其神且速也噫
異矣自今以後吾上民往來茲土者勞則息倦則止渴
則飲泉寒則向火熱則被風以坐而且過松徑之幽棲
足以滌煩俗瞻佛相之莊嚴足以除塵染其孰有入清
淨之道場而獨築驚冥鈍不一思改心易慮乎子既佩
釋迦氏之流風遺澤大有造於治功不淺而又嘉佳
僧宏勝之能成斯殿而續浮屠之盛事也於是乎記
陳造勞農淨居寺願皎啟二僧勞農今喜復南轅夾
道扶攜亦笑喧縣尹庶幾無疾病山人迎送耐煩煩
蔥湯餅脚堪飽出囊春醪半帶渾惟
有爲民眞實意異時陳迹付公言

舒賈詩 老厭冠蓋場萬事不掛耳時與林閒人靜話
無生理卻聞錢長官只飲淨居水使我夜不眠燈花亦

喜

劉仁本詩 龍光蜃氣逼藍輿賓客陪從過淨居縣令
相迎秋色裏山僧出定午齋餘新羅杖錫唐時住天竺
樓臺宋御書池上白蓮堪

把玩何須結社問匡廬

沈一貫薛中儒給事攜樽至寺 淨居寺裏秋將老給

事筵前菊向開衰壑無光霜葉醉斜陽收影月華來樹

迎馬首千峯合潮轉山心一乘過東

望梅岑纔咫尺看余早晚陟崔巍

謝泰宗宿寺 雲深知寺古僧老得山親鐘磬冥鴻外

夢魂飛蝶春忘檢塵路遠入定道心純去住今何所西

山月未淪 溪路轉飛茫諸天近上方鵲堂沈宿鳥鶯

嶺隱斜陽燈薄琉璃影心燒知見香欲來喫一棒先宿

朗公

房

張鳴階至寺 淨居梵林依阡陌峯高去天僅咫尺竹

搖厯落青松挂參差碧日光隱隱殿宇晴溪聲不動煙

嵐白子瞻夜半石鐘

山何事意懷音鐘銘

陳元橫山齋卽景 小雨入初秋曉山已明靚窈窕兩
三峯洗出螺痕淨翠竹環幽齋亭亭相輝映古松獨支
離偃仰任天性與山共低昂卓然餘蒼勁信此虬髯姿
受命得其正白雲自卷舒情態迭變更凝望獨支願終
日容涵泳

泗洲教寺縣南三十里後唐清泰四年有石佛因水自山

流下僧青邱因立精舍

寶慶志

僧宗鑑詩 經室和雲靜清幽致自賒數聲鴉噪竹幾
處蝶穿花雨歇山光翠日殘樹影斜遊人偶憩此逸興
對飛霞

茅洋菴三都在山上

陳志

慈濟菴三都康熙九年建

乾隆志

一名井頭菴

陳志

最樂菴三都在義成橋側邑令陸敬德題額

乾隆志

永濟菴三都順治五年築長山橋係崇巖泰海四鄉通衢

要路橋成卽建是菴乾隆志今名寶鏡菴陳志

積泉菴三都一名礮頭菴內有孤魂祠置田十二畝縣令

郭涓章有示勒石采訪冊

密雲菴三都舊名青峙嶺菴康熙十五年改今額乾隆志

雲隱菴三都順治八年建乾隆志

淨嚴寺縣南三十里練盆山之下漢乾祐二年建宋治平

二年改今額曹府志

普慶菴四都在東岡碑前顧姓捐基鄞僧慧通建

國朝康熙年間邑令唐鴻舉扁曰法幢雲外乾隆志

淨土菴四都康熙十八年建係鄞鎮交界人多病涉設舟

牽渡舊名牽渡菴後改今額乾隆志

瑤龍菴四都在姚嶼采訪冊

永豐菴四都明季鄞民造東岡新硯時建士民感鄞令汪廉功附像於菴祀之嘉慶年間東岡耆老樂容禮因地狹隘遷像於蓬萊菴助田一畝以奉歲祀

永德菴四都丁家山下卽箭江菴

廣濟菴四都在任鐵渡橋側以上陳志

德濟菴四都逼臨大江乾隆志

陳景沛案曰菴在朱家渡橋之側今江已成河

日新菴四都康熙十三年建乾隆志

蓬萊菴四都明崇禎五年建今分上下兩菴陳志

靈巖鄉

靈峯禪寺縣南四十里大瓶壺山上周廣順元年全禪師

建名保安宋拾平元年改今額延祐志明崇禎十三年僧覺

明重建易南向

國朝康熙二十三年僧自聞重建四十年僧圓常建鐘樓

及山門靈峯志

李昌裔山寺形勝記靈峯寺者四明鎮邑之古刹也距府治而東五十里距縣治而南三十里鄉曰靈巖里曰金泉山曰瓶壺從山麓九曲而上獨吐平原周圍約里許東漢明帝時即稱為佛國道場由來舊矣其山自鄞之太白衍為玉几峯峯之東南一支為白雲山東北一支突起高頂為鄞峯山即阿育王寺之坐山也自餘山過峽池遶數里而瓶壺大小兩山兀然挺出曰瓶壺者象其形也遂於大瓶壺山構寺基焉壺山左為屏山屏山足為永福禪院蒼松修竹幽壑深林與寺之別墅相鄰凡遊靈峯者必至永福以其佳勝固相等埒也蓋嘗統山之形勢論之自山而東別起一峯為小瓶壺而下懸獅子巖而即為永福之屏山自山而

靈鷲山爲案山靈鷲山而西爲馬頭山四五峯盤旋屈
曲歷靈巖孝順嶺而卽爲阿育王之鄧峯山靈巖介居
其間近連永福遠接阿育王三道場後先創興阿育王
爲大梵刹利無訛矣靈峯基之方廣雖不及阿育王然寺
建於衆山之巔天爲殊絕古稱最吉祥地非誣也寺後
有屋宇皆因靈氣出沒以占晴雨寺旁有甘泉泉從石
道安出共飯畢插箸枝葉復生世傳箸竹卽此寺
下有丹池下有佛巖巖下有池曰丹池亦曰丹井爲仙翁
曲竹木交架如山陰道上應接不絕壑旁爲山徑左折右
月兩山間然堂室之有門戶焉而是山之體勢夫亦可
得其大凡也矣昔人列其景爲十二一時騷人詞客暨
本山衲子唱酬成帙悉載入志中至其鐫字於石者爲
靈鷲峯七佛巖佛國山善財巖蒼勁老逸賦如斗大皆
名手所書

因并記之

謝泰宗遊靈峯山寺記 自出郭渡定海江南行十里
爲長山橋橋下卽小浹港入東江溪流者潮沙水也盈
涸無時行人借以心卜焉橋過二里爲黃泥嶺嶺北峻
而南坦然峻者縮矣所云水微興彼高下相臨差以尋

常猶之爲平也。又三里右嶺曰布陣嶺，相傳宋張俊禦
元帥於此，嶺長二里許，其最高處望及郡中，天封塔人
具龍睛者見，纖芥矣。嶺旁有泉湧出，曰沃泉，以其懸出
也，諺誇之爲靈漿。下嶺得巨石方而稍長，橫路左，殊刺
人意。行人倦者曰：「此我攜來牀也。」折而西，循山麓行，遙
望翠篠碧梧，掩映溪橋之側，稱詹家壩。是也。山勢至此
特欽崎折，入開廣二百畝，地松茂竹苞，卽斯干秩秩哉。
然天與之形矣。王子猷排闥直入，不問主人，雅興宜於
此乎？蓋迤邐而來，皆介然，而用之蹊徑至是有以。海石
之潤者，側砌其中，旁緣以墁，壁之事亦側櫛焉。問之，知
爲永福視履之道也。菴新創，敞而潔，視其僧程本之爲
人，菴背坐山緣山而上，皆竹徑也。一徑爲一曲，東西凡
七曲，每曲造精舍，或茅或竹，或陶甍，至一石浪菴，間住
菴僧經云：華藏莊嚴海世界，所爲六種十八相震動者，
何狀？答曰：「原未嘗一動矣。」蓋距詹家壩又幾十里也。再
三里，卽靈峯之下莊焉。非邨，非郭，雞犬聲出自煙蘿叢
翠中，與溪流互響，答也。忘其爲彼岸處矣。頃之有風，颺
巖來，似七賢署中者，卽恨不攜王恭鶴氅來也。僧杜言
曰：「此溪莊綠雪，請以消盡內紅。」友可乎？出莊門右行，一
里許，大者磐石小者礲水石，界縱橫其中。余履之如跛，又
似壁，搖手言：「此康莊也。」登山而路遂絕焉。余訴之，何
以從？刺橋藤下行也。僧又言：「此一壺千金矣。」行數十武，

人之足實余頂余之足不知究於何所實至此所持所
行無非蘿也甯但千金矣蘿盡天開百仞峯卓立天際
人曰此筆峯也固資老僧之點染者哉再步百餘武而
橫門玉案列諸前矣山色猶是青青者擬以爲雲山勢
猶是平平者見以爲几俯而顧之靈峯老人又不知誰
爲操此以相從者矣距寺門左半里有巨壑噴沫十丈
許大者如拳小者如珠以其迸裂而出羣謂之氣母然
寺後卽恒郎潭在焉潭廣闊半畝雨霽卽現樓臺城市
象遠聯者謂又一靈峯寺而青黃過之也寺之左有與
寺並立者相傳葛仙翁修九轉還丹太乙金液於此今
龜痹而繫者故在也井則甯香不絕如丹砂百斛傾其
中谿肆無影若與蜃潭通泉脈者靈之爲靈以是耶距
井西百步有方竹百餘株傳爲洪所插今形似而不盡
方豈仙迹亦隨世而撓也至於登高拄頰時來西山爽
氣之清飲氣夕佳翠挺松坪晚照之影又十二景中描
寫不盡者與遊畢子戲語僧曰汝固宜有髮而享家室
之樂者雞犬鳴於下莊丹竈修於寺左卽不飛昇久視
於此矣汝葛之徒詎曰佛弟子乎僧曰先生豈以靈峯
爲五嶽哉卽予非送楊歸

墨者請以補入三笑圖

謝兆昌重修記 邑乘載靈峯禪寺周廣順元年建名
保安宋治平初改今額寺舊有碑明道二年進士邱陶

撰文其碑陰則陳忠肅公權所著有門頌及與僧明智
書一通皆公手書樓宣獻公鑰著其尾而寺僧了悟刻
石者也邱文稱唐正明六載邑人劉軫捨宅爲院而邑
乘畧之竊意自唐迄今幾及千年宜有名公鉅儒紀其
遺迹炳當時而傳後世而今僅存此碑文又漫漶不足
讀石復斷裂了翁所書則觀教微言碑以人重於茲寺
之廢興周無徵也寺居山之巔風雨陰嵐之所侵蝕歲
久將圯康熙辛巳歲住持圓常乃悉葺而新之殿之前
後及左右廊序皆易朽而堅易黝黑而丹雘螭石璧瓦
輝煌彫飾外復綜以周垣加門焉齋寮庖湍視昔有加
又於殿左建一樓皮鐘其上夜靜鐘鳴眾山皆響嗚呼
師可謂不負名山付託矣余與茲山僧徒爲方外交者
已三世僧慧實自聞皆工書樂交士大夫值兵燹之餘
寺產中落師今繼之能不振先緒綜理周密衣鉢餘資
纖悉皆歸有用使遠近益集又續還寺產是不可以勿
誌也寺後殿祠葛仙翁誌稱嘗煉丹於此考晉書抱朴
子就隱學今所傳未知爲仙翁與抑抱朴子也抱朴子
嘗訪道一至餘杭其生平蹤迹則在句容句漏羅浮之
鄉而四明所指爲丹竈者在在多有卽相傳手植方竹
亦無存者總之山川靈祕多爲神仙往來洞府茲山形
勢聳拔眾峯拱揖上特平衍由磴道曲折而上將及巔
兩崖束若門中通一道水淙淙流其閒有聲聚爲池每

當晴空如碧白雲一縷從池起須臾布滿澗谷翌日而
雨其久雨而霽也亦然清絕迥異人世有道高人踞蹠
至止固不能辨其誰何也又唐末無正明紀年者惟後
梁貞明有六年或其時錢唐猶奉其朔碑係宋暨故諱
貞爲正然何以復稱唐也蓋文獻之難徵若此昔忠肅
以直節名臣妙悟禪觀至今搜剔苔蘚摩娑手書猶肅
然起敬余旣絕口不談禪丹砂亦負前諾而漫記其緣
起若此能必後之人有徘徊碑側而慨慕者否然欲徵
山寺之廢興與師僧締造之

之艱難必有核於斯言矣
高葵遊山寺 此日遂幽尋空山落嘯吟白雲樵徑僻

黃葉寺門深十月餘春氣一僧多道心相看無別語不
辨是

西林
樂舜賓遊靈峯寺 一望靈峯插漢高攀躋曲磴近青

霄因尋古刹忘迢遞欲訪生公憚茗蕘雨後清聲來竹

徑風迴琴響自松梢俗居更

覺紅塵遠何事禪門月下敲

張景入靈峯山寺 一亭曲入梵王家百折千

盤路亦踰山鳥能知遊客意數聲啼上石桐花

蔣如奇遊山寺 直插危冠天漢中羣靈於此會神工

曇雲合掌凝毘舍仙霧霏珠散佛宮翠舞雙鸞爭集嶽

班聯五老欲趨高采芝臺畔
星如綴千尺寒潭浸碧空

豐越人遊靈峯寺 白雲山寺徑丹荔野人家曲磴窺

高島寒枝吐異花樹香依竹靜林影過溪斜莫問參同

是伏砂

曹銘宿靈峯莊 簷樹影幢幢風吟

天欲曉幽人有所思敲枕聽黃鳥

吳道英登靈峯寺 名山初引興并力躋嶢嶢花本畱

禪影雲霞寫世情長天隨日盡過鳥與雲平吳謝僧房

寂猶聞

梵唄聲

邵輔忠詩 愛此溪山好寒衣時一登穿雲惟谷鳥繞

屋有枯藤方竹畱仙迹懸崖掛瀑冰中天一片月夜夜

照松

張鳴喈詩 森森文竹碧琅玕古屋巍栽松影寒舊是

劉伶曾覺勝何時五嶽與同看 預訂遠公迎倒屣偶

持梵語悟吹沙眾生待脫生生相一帶琳宮奉髮牙

白鶴峯高千樹月玉几山帶一溪風祇園布地金應在

牛角新醪春意濃 高僧名宇兩道尋磯上風

塵軟不侵八社祇陀宗席在深談萬法在人心

謝熾昌獨上靈峯寺 看山意已迫入戶只雲封僧舍
無人問名流到處逢短節埋草角孤屐歷高峯倦鳥無
還影行歸
半嶺松

郎如望登靈峯上院 磴道盤紆過上院澗水潺湲淨
如練萬竿修竹插山腰老樹槎枒立當面千年丹竈何
處尋今作瞿曇古佛殿周遭重疊翠芙蓉日到天心光
始徧登高遠望豁雙眸十二峯頭雲一片空谷風號萬
籟鳴頃刻煙光已百變扶筇歸
去夕陽西竟日登臨不知倦

謝師昌靈峯山寺坐雪 伏日坐清風嚴冬卧朔雪山
靈笑相問昔巧今何拙清風吹襟袂朔雪洗肺腸特地
來山中兩度試炎涼炎涼亦何好雪霰知難掃怪得袁
安來連累青山老我問白雲中舊有黃茅根欲問採取
方仙翁
默無言

謝兆昌同人遊靈峯得明字韻 抱疴殘暑後又見葛
婆更坐令秋光老還添白髮生溪聲頻入夢山色遠含
情便理重遊屐
丹楓眼尚明

僧宗亮詩 自從海上覓神仙卻喜山人夙有緣相訪
已騎黃犢出忘機曾對白鷗眠世間事與風塵會物外

心同松柏堅豈料今朝此
中宿靈峯山下共談元

靈峯下院一名山莊在瓶壺山麓院藏林木中屈曲引入
入勝凡上靈峯必經此為遊人所棲息院宇幽敞有按指

堂雲深軒

陳志

周西詩 偶爾來叅佛攀林傍午鐘山空餘古蹟雲盡
出奇峯樹影懸崖密苔陰點石濃無生且莫問茶語恰
容從

謝秦宗宿杜上人禪房 身似沿門鉢因飛逐絮飄繩
牀山作腳紙帳水為腰得月梅鏡戶披煙鳥送樵鐘聲
天外落萬慮一時消 曲徑禪房占交期方外昆清風
來舊榻步月得空門旛動心知靜蓮生火自煎遠山容
小謝話敘

一寒溫

華顏游山莊 滿山紅葉勝於花誰認桃源
不是家身似野人心似水祇餘僧舍作官衙

邵似雍同友人宿山莊月下浩歌 如此好風月如此
好林泉平生疎放處對之相周旋我懷方浩蕩秋氣更

靜元天上與天下空光合一圓冰臺暨瑤
室輝映相清鮮諸公歡滿爵沈沈歸洞天
謝泰履靈峯山莊懷杜言上人闕遊竹溪迢遞白雲
深難鎖行遊開士心十萬琅玕齊說法祇憑騷客作閑
吟

李暉溪橋晚坐和謝中翰韻五年病不到禪扉今日
重來著短衣滿耳溪聲堪靜坐四山秋色竟忘歸老梅
屈曲當門瘦小栗清香似豆肥每
憶經過常信宿主人風味世間稀
謝緒彥遊靈峯溪橋坐酌一曲清流繞竹扉秋深猶
自著單衣客逢紅葉班荆坐僧自疎林買酒歸繞徑菊
花當蕊綻行根荀子值苞肥泉巖
佳趣行皆是賓主忘言自昔稀
張翳雲峯別墅賦得空山夜雨不負青山約微情引
杖藜路從樵子覓雲向嶺頭迷僧定看花路林空狎鳥
啼東風留客屐
夜雨漲前溪

演法堂相傳萬仙翁從師受仙液丹經於山中勦草堂居
之每吐飯成蜂斬蛇除怪多著靈異鄉人合叩禮之仙翁

日近我十里逢難不難因名至太平山其遺像尙存曹府志

沃類體仙翁古利號靈峯崔嶽倚碧空飛泉懸翠卉

是老是老

仙翁邵似雍詩竹徑幽還曲山門向竹開松風吹不盡時有片雲來

永福禪院在小瓶壺山下係華嚴故址名壺山廟明萬厯

四十三年建天啟二年改今額乾隆志

邵輔忠題菴舊是花巖地新成祇樹林白雲遮曲徑明月上高岑鳥慣分齋食龍馴聽法音一泓甘露水清

徹照禪心

李鄂詞等紅葉至菴聽經冬氣山不枯楓葉含霜繡

遙慕紅處好併覺人煙秀緩策十里行意謂逢前岫溪迴更小梁取徑疑左右山谷善誘人若遠若易近約塗

復半前漸與白雲就幽情未給賞傳響忽梵奏遂入一林叢隱堂植新構老僧獨踞壇妙理宣句讀山人頑於

石羣語塞庭廂未詳僧何云南膜額競叩法螺逐山鷗

石臺飽鳥噉雜還共
出門日午芙蓉漏

謝緒章過菴贈受益悅山二上人
瓶壺東曉有精藍

萬木周迴徑熟諳
室我將新十雲堂眾已過三三

溪聲鳥語禪心寂
竹葉松花客屐湛

回首卅年真夢幻
掩關如接老僧談

僧宗亮詩
紅樹烏啼知客到
碧潭龍出有

雲從老僧求作石橋記
指點瓶壺說舊蹤

孔墅嶺菴

國初建燬於兵
火光緒二年林鶴年重建
采訪冊

雲麓菴一都由靈峯下院而南不踰半里

瓊珞菴一都在楊洛河頭

定香菴一都在楊洛河頭
以上陳志彙

湧泉菴一都明天啟三年建舊名永全

國朝康熙三十年總鎮監理禱雨至此改今額
乾隆志

龍華菴一都在扎馬池

祖源菴一都在嘉溪

報恩寺一都在嘉溪

以上陳志

延恩禪寺一都宋治平初僧文最建名普濟後改今額乾隆志

積善菴一都在柴樓一名老菴

陳志

鎮宅菴一都

采訪冊

法華菴一都康熙三十五年總鎮藍理建僧慧祉崇誦法

華爲日課郡守高啟桂卽以法華題額

乾隆志

龍德禪寺一都

永壽菴一都

廣福菴一都

以上采訪冊

迎恩禪院二都康熙年間郡守盧承恩邑令戴銘邑丞夏吉祥修碑有功民祀菴內一名塘頭菴外有亭

蘆山菴二都以山名菴

福聚菴二都一名三官堂

碧雲菴二都明萬厯五年建名生聖

國朝順治九年改今額卽蛟門嶺菴

乾隆志誤分二菴

內有

敕賜蛟門龍神位每六月朔望里民舉祭

龍樹禪院二都舊傳鰻井龍神與蛟門龍神施雨相合明萬厯初邑令宋繼祖以龍聚題額又傳天啟時蛟門嶺南有古樹一株每因亢旱樹上有龍光閃爍三五日卽雨里

人因建菴樹下

國朝康熙己丑年改今額

雲陰菴二都在王隘

圓通菴二都布陣嶺下

以上陳志彙

靈山觀在東罌豆廟之東建立久遠殿宇崩塌嘉慶十六

年鄉人復捐資重修

乾隆志

秦邱鄉

佛巖禪寺縣南七十里唐天復初明禪師置宋寶慶初請

額名崇梵後改今額

延祐志

唐時初建名啟霞山有大佛巖

淨瓶石鸚鵡山頗稱佳勝

乾隆志

謝秦宗送嵩巖住寺摩耶原住梵王宮白馬西來教
遂東祇樹掛瓢初結相化成卓錫木依空香燒知見頭

頭道輪擲河沙得得風便是佛巖重會佛琉璃照眼滿
天紅青蓮妙相一林叢古佛燈傳薪未窮日月頗羅
光不夜大風和合教原通天親無著隨緣好竿木
隨風飄轉蓬豈怕石頭參路滑且看鉢內擾生龍
邵似雍遊寺山水本孤寂因人起名譽古人於此閒
往往生高致我懷千古心幽契託流水白雲空遙遙可
望不可至春色沒古逕白雲依樹林翻從亂山入遠
與孤寺深鐘磬荒寂寂泉苔青沈沈寂寂輝生靜境幽映
神明心

周茂榕遊佛巖 蒼蒼啟霞山中拓空王宅重門洞然
閒舞僧導行客行行步修廊時磔石路滑雜樹迴周遭
斜日漏檐隙絕頂翻松濤臺殿浸寒碧佛現金色身坐
受香氣絳叱龍行法雨去灑淨瓶石潤浥花三朵濃滋
苔一尺決筧引飛泉落階夏璫璧卓錫棲層巖誰歟手
親闢安得十年讀來此面石壁我佛近可呼共老煙雲
窟

華巖禪寺縣南四十里唐廣明中和禪師置名雲巖宋大

中祥符初賜額名旌教景定初改今額

延祐志

樓鑰題雲巖詩但見雲生谷初無石似巖得名非舊
觀買地得精藍境勝環修竹門深擁翠杉禪林自佳趣
莫問徑

三三

周茂榕臺城路詞三年不踏袈裟地門外白雲相候
翠蝕碑文青搖燈火一到荒涼依舊倚寒吟手寫不盡
斜陽滿庭秋瘦鐘鼓聲沈倒聽階石響紅溜追尋多
實遺迹說華嚴富貴經楊談久見鳥西歸虬枝東指勞
我幾番回首齋廚供又道彌勒同龜
欠惟尊酒攬馬歸來一鞭花外驟

興善教寺縣南五十里唐大順二年置名保安宋治平二

年改今額寶慶

周西募田疏亦知五蘊皆空何以耕鑿為謀也曾解
一切盡幻向庸口腹自利哉然獨慚四大之猶存豈能
楞腹以受如來之戒試觀眾生之具在故當飽食以證
菩提之心以既成佛之世尊滴入舍衛而乞食況未聞
道之凡侶能無望護法而受供甚苦行遊於方外未得
安居何如力作於山中好修正果古利興善為定之名
梵上人柏山寶禪之正宗幸同修之有人念施食之少
法不能作無米炊何處求紺琉璃齋干人之大石鉢敢

不望有緣捨自當披波羅蜜說六度之第一因在檀那
方布施以度慳吝為佛子得祥定以度散亂不欲作大
迦葉捨貧就富獨向高閣豈欲學須菩提捨富從貧偏
求編戶惟世尊行平等法但次第而乞人喜祇陀好周
給心因信施而植樹漫分多寡共濟有無此則師法於
古之諸菩薩懇求於今之善男子者也故聞貧婆一飯
卽登化樂天宮窮子七錢尚獲金輪王位果大護法肯
培善種則諸衲子盡在福天雨笠雲蓑姑舍袈裟而事
而禮義乃興於釋氏亦飽煖餘而功德乃進借此為靜
修之本賴茲作安習之原由是而柴米油鹽無事不出
其中香燭燈花些須盡在此內敢望檀門之大施舍實
由釋子之甚飢寒發七寶以用布施滿無
量使成勝事誰云因果不分報應或爽哉

資聖講寺縣東南六十里唐大順二年置名資福宋治平

元年改今額

寶慶今廢陳志

飯鑒山菴一都康熙二十年建外有亭

乾隆志

集福菴一都

乾隆志

鎮海縣志

卷三十六 寺觀

三

海口菴二都在慈巖

永濟菴二都在慈巖

定水菴二都在慈巖

以上陳志

日濟菴三都

采訪冊

烏江頭菴二都在三山

陳志

宣化教寺二都宋嘉定中里人柯仲諭始建菴端平初改

立寺因請武康縣廢寺舊額名宣化

延祐志

咸豐二年僧南

昌重建

采訪冊

廣慧菴二都明隆慶年建名裏菴

國朝順治十三年改今額

乾隆志

雲鷺菴二都明隆慶年建名外菴

國朝順治十三年改今額

乾隆志

路局菴二都

陳志

清泰菴二都明成化年間建名小城灣菴

國朝康熙五十年改今額

乾隆志

柏香菴二都在嘯天龍山上

國初建後圯乾隆十五年重建

乾隆志

清淨菴二都在城灣

陳志

披雲菴二都一名草菴

陳志

長山菴三都前有涼亭

東關菴三都

西關菴三都

以上乾隆志

廣濟菴三都采訪

蓮華菴三都在上傳

姚燮記 品樸將熟田禾始分風日佳暢良友五六爲
蓮華菴之遊山麓爲蹊沙石響步環折二里迺得平原
穿勝東行遠見叢樹修樛高下精廬在中旣露囊角倏
復掩蔽俄焉及門清溪植槿築爲短籬篁柗相錯碎葉時
照影色作深碧溪植槿築爲短籬篁柗相錯碎葉時
墜汎而不漂可以澣絺可以濯纓去其短杓欲入無徑
疏磬泠泠穿煙出聲煙爲茶香畧帶嵐氣或似旃檀時
方禮佛行已抵院磬聲未停微颺一迴眾鳥遽和女衲
三兩往返酬客村姬高髻插花滿頭羣媼渠爰擇靜寮
導聯袂而拜喃喃若絮倚檻顧之不覺軒渠爰擇靜寮
啜茗少息既循舊徑別佛出門峯巒俯青向我而笑仰
眺天雲奔馳自忙雲行向東我歸向西紛紜道左紫棟
正開徘徊而詠別有遐致回視所歷已隔數阡但有孤
鷺盤旋於上彈指之頃迹象改殊以何因緣來此少住
因返而記之

永慶菴三都排陣嶺下

姚雙記 踰遊蓮華菴者八日宿雨云霽眾綠
與客循阡西行抵乎排陣嶺之麓其凹有菴曰永慶迺
就憩焉初入萬竹左右日氣爲讓敗擇到地輒如雲片
新篁出梢嫩於柳枝風涼似秋閱候忘暑夜靜宜月惜
子未來既踐其屐稚子相逐犬吠忽寂經聲始聞共循
齋廊與玩庭卉且斜展牙門大旂薔薇亂開病女蓬
髮頗得畫意亦觸詩想留睽瞬時移步他適繞嶺而南
復約里許爲披雲菴蕭寥荒率境又一變廊沼多葦蔽
及路旁斷崖有楸橫至屋頂堆黳當路上卧枯棹編荆
作廬糾以瓜蔓病憤之薦青生溽苔癘僧之衲黃壤比
葉古佛無語惟看遠山馴雀偶停不避生客鐘魚鮮存
清課斯發味斯風景疑非禪寮後有過者知復難問泡
電之感從而寓之夫以牧備蕘豎晨往夕還習爲故恆
疇領其趣卽或相告晒爲迂辭遂使山靈抱屈終古景
與流逝象同煙瓢向所遷移索之終杳視聽所及不述
而存於彼化機能無負乎惟此二菴與蓮花異或取幽
遠情塵同留或已彫頽靈迹
猶在爰假毫楮寄此清娛

報德菴三都在大胡

靈峯菴三都

以上陳志

永壽菴三都在小靈峯

報德菴三都在傅家碛

永慶禪院在台巖

大嶺菴在天童嶺

紫竹菴三都

萬壽寺三都

洪谷菴三都

以上采訪冊

茶漕菴四都在霞浦

陳志

海晏鄉

瑞巖禪寺縣東南九十里唐會昌中

郡守黃晟爲普化禪師勦立精舍景福初改爲寺

宋治平初賜額名開喜祥符中因產靈芝名瑞巖山有十

二峯峯下有閣

延祐志

明洪武三十一年重修咸豐年間燬

於火同治年間重建以復舊觀

采訪冊

李撫辰題閣

高閣玲瓏倚半空秋風淨掃

白雲蹤無人寫

此天然景十二闌干十二峯

舒直創草堂為遊息之地

十二峯頭月未央天風吹下紫芝香我來分得僧清致布衲蒲團一草堂

周鐸詩 紫芝巖下斷懸崖簾捲西風一梵齋流水聲

中鳴好鳥寒林影裏踏青鞋裴公綠野雲連壁白傅香

山月滿懷珍重社蓮風

味在短藜常許野人偕

謝泰宗題寺 白氣橫分此一枝結巾結示萬方持巨

鼇背負金身出法象牙含繡座垂樹覆春陰花滿砌香

流禪食鳥窺廚靈山覺起

金繩路不住燈傳震旦曦

馮愷琦和遠安上人聚石堂詩

行過溪山第幾重偶

然策杖立西風數峯暝處月初上萬壑寒時霜滿空避

弋鶴棲松徑裏無心雲度磬聲中欲逢舊識塵緣淨解

會忘形似遠公 偶從說法喜為羣蓮座頻翻貝葉文

過客居然通覺路疏簾都不礙歸雲林泉冷洳三冬氣
猿鶴聲高十地間還擬臨流同洗足欣然植杖倚斜曛
邵似雍題遠安聚石堂高峯十二護禪關手闢榛蕪
心自閒室比虎邱飛錫至人從鹿苑聽經還花迎朝旭
開三徑水落寒潭瀉半灣漫道初平剛熟睡試令叱起
總非頑百鳥含花近可尋名藍幽處水雲深千秋已
老靈芝窟一日重開祇樹林曾識磨塼能解法即看聚
石豈無心玲瓏八面何人會鼓盡山河大地琴誰還
石女跨金牛便上丹霄十二樓雪夜潭心明月皎碧天
洞裏白雲收點頭原不只在蘇州八陣圖成志待酬了得
至人垂教處點頭原不只在蘇州八陣圖成志待酬了得
累層層映曉霞入室盡堪稱弟子升堂早已淨泥沙緣
知牆壁西來意何必支機河漢槎從
此瑞巖傳勝迹虎邱臺自不爭差
姚變同胡石泉遊瑞巖搜空大厓棧斲石平不坳山
脈紫相縛地骨撐能牢雲態百巒競日氣千篁捐幽潭
敗壞墮寂磬疎風敲松巖偶來竄樵擔時一遭隨步出
紆變極意屏塵鷲倘借虎溪旁願師彭澤陶巍表象
王宅高拱蓮華心橫榻接斜嶺池閣開層岑疎松繹清
籟老桂交繁陰雀窺粥廊靜僧語茶寮深佳朋愜天悅
良庵抒吾襟暫許全象領已耐餘
味尋擇蘿訂後期來卧春風琴

周茂榕偕同人重遊瑞巖。不知秋已深，引步入幽邃。
十里野色寒，四抱山容斂。松聲雜泉聲，虛谷答遙吹。落
葉下如雨，霏霏滴殘翠。老樹無新香，幾簇疎花媚。清我
醉後魂，欲向塵埃覩。願陽在林際，一磐忽飄墜。路窮
出崇宇，離僧迎道旁。導我寺門入，曲轉巡虛廊。更轉更
清曠，落影山蒼蒼。臺殿浸寒綠，純是竹柏光。揭幢禮古
佛，進造方丈堂。石級數層上，活雲流古香。日落梵唄靜，
眾散鸞鶴翔。僧房東西廡，客至煮茶鐺。一甌迭相展，欲
索新詩償。山氣夕更佳，薄靄弄奇變。疎鐘如相招，往
踐厯已徧。乃飽香積飯，遂同僧退院。裴几淨於拭，乞書
安筆硯。攀山出秀語，奪綠上東絹。縱橫完數幅，欲眠余
告倦。孤枕萬壑湧，奔流急飛箭。驟疑風雨來，夜黑神鬼
戰。一燈光動搖，心悸目爲眩。凜乎不敢出，矧可三宿戀。
凍禽噪客起，朝陽射林藪。捫蘿取歸徑，小艇待溪口。
意返神爲楷，幽怪羅罽有。盪胸生層碧，勝吞雲夢九思。
一傾寫之滿，載欠厚酒轉嫌行。意速此遊，非無負聽松。
已滿耳採芝不入手，山靈如可呼。有
約更踐後，縹緲十二峯。開篷屢回首。

福聚菴

一都康熙十五年

建今廢

乾隆志

雲居菴一都初名作雲居

乾隆志

僧宗輝詩 面壁芝峯僅十年蒲團惺惺戴
堯天山堂缺處重修補歷有晴雲與雨煙

雲霄菴一都在瑞巖河頭陳志

文聚菴一都在獅山嶺采訪冊

永明禪院一都五峯山下乾隆志

永華菴一都一名小橫山菴陳志

眞修講寺縣南一百里唐大順三年置名門浦報恩宋治

平元年改今額寶慶志後圯元至正間重修嘉靖志

劉仁本眞修寺事蹟記 四明爲三佛地多寶坊蘭若
三宗鼎列而律最微者在僧爲難能故也亡祖雉髮西
京曾光律師爲授戒蘇州慧靜律師爲剃髮荆州通應
律師爲教授而說戒乃中天多羅律師爲蓋凡得度爲
緇侶者必先嚴之以戒而範之以律防微杜漸閑邪黜
僞然後入諸宗門以永慧命則夫律者非梵家之規矜
學佛之筌蹄也耶定海縣門浦雷峯山眞修寺實宋廣
應年新羅僧所創初爲甲乙之傳後嗣匪良欺誕日滋

紛紜訟訴遂更定爲律以律師偕公倡始開宗更之誠
是也審律則精進慎修悉蹈準繩無闕妄憎慢之愆矣
其廢興顛末具有前集英殿進士舒公岳祥撰誌在旣
更化植者傾固者圯壯麗者日益雕落莫或繕營至正
二年冬明義律師由公舉奉宣政檄來主席師嘗住城
之景福院能經理廢弛興復舊觀及至是則徘徊顧瞻
愀然慨歎發大願心誓與寺始終作久住法出其衣鉢
以饒贖田之資運其智力以歸舊侵之業重建佛殿署
置大士祠宇山門廊廡丈室庖庫燦然一新絕長補短
以其所有易其所無百廢具舉塑挺像設與夫莊嚴之
具厯十六寒暑而洪纖畢備矣寺居海壖道通昌國禮
補陀者一葦可航朝發夕至故往來雲水宿食如歸延
譽日隆至正十有七年領宣政事大丞栢復署師尸同
邑之總持分省留之不可師遂以其徒景誠補席而適
總持乃爲之建丈室葺寶殿事就緒退而謝病復歸其
修治別室於西偏扁曰西居茹素一衲若將終身自其
參方出世資力萃於眞修足爲一代祖儀者懼往而泯
也景誠與徒輩持狀謁文勒石以詔後來於戲浮屠氏
雖以虛無寂滅爲宗然日用行常食息起居未嘗不與
人等談元說妙率皆請幻吾未見其眞悟超覺也自夫
持刀者觀之則猶傲吾儒之禮樂法度焉今明師不於
禪於教而於律守其法度故克主三利所以興廢墜繼

宗乘人信之而不妄者由其能精嚴戒律習諸儀範皆實際也苟其學徒毋僧師命遵循法度之中不為跌宕以廢能事吾見真修之有永也必矣書為之記

鶴林禪院一都崑嶺北隅

乾隆志

大慈菴一都

陳志

積慶禪院一都五峯山下

乾隆志

正陽菴一都在柴橋

陳志

舊名金雞居

采訪冊

水陸菴二都明萬厯年開建

國朝同治四年張輔敬重造

采訪冊

迴光菴二都在穿山

陳志

善慶菴二都

陳志

中嶺峯菴二都

采訪冊

觀音閣二都後有魯班殿

采訪冊

淨土菴三都在門浦

善種菴三都在門浦

三官殿三都在康頭

以上陳志

永福菴三都在梅山

清修菴三都在梅山

青龍菴三都

普利菴三都

雷壽菴三都在梅山

以上采訪冊

吉慶菴三都明天啟二年建

乾隆志今廢陳志

寶甯菴三都明萬曆三十年建

乾隆志

鎮海縣志

卷三十六

明慧寺三都唐乾甯三年建名保安宋治平元年改今額
嘉靖志

國朝同治庚午年周元臣重修

采訪冊

觀瀾菴三都光緒元年袁禮芳周元臣重修

采訪冊

鎮隅

延聖壽禪寺在穿山所城西明洪武十三年指揮暨千百
戶建寺供聖位以祝故名萬厯四十六年守禦指揮臧長
春等重修

乾隆志

寂照講寺縣南九十里梁貞明中置名保安宋治平二年

改今額

寶慶志

今名慧寂

陳志

史浩開田疏 海山浮翠金利凌雲天童瑞巖介乎左右道人衲子常所往來無一鉢供羞之儲有數頃寬閒

之地將圖開墾尙愆荷鍤之資必藉檀那爲啟捐金之助倘從所請不患無成會看萬隴蒼煙化作一犁春雨青蓮出來晨昏已辦於董修自雪翻匙飲啄敢忘於來處倘有不思議福願歸無住相人又次韻慈舉寂照院僧石巖花 谿山朔雪銷籬落始聞花信驚梅萼韶華一瞬掉頭去滿眼園林成翠幄誰知幽谷猶藏春萬蒂千拊意態新霞分光彩氣欲熱露過燕脂色未勻墨工繪句漫稱好不見此花空到老子美羞看黃四蹊退之不數紅雲島天上健步吾能用擬擘雲頭騎綵鳳叫閭乞與生香歸只許牡丹名並飛

甯國菴六畝明崇禎十三年建

海蘇菴六畝明萬厯三十年建

大悲菴六畝順治十二年邑令鄭元成題額以上乾隆志

天華菴六畝穿山城外

三官堂六畝穿山城外山上

龍瑞宮六畝穿山城外山上以上陳志棄

勳福菴在穿山所李衛舉明時建

國朝康熙二十六年徙董家灣乾隆志

兆嘉菴七畝白峯

鷺嶺寺七畝

華峙嶺菴七畝以嶺名菴

海雲堂七畝鄞甯城外以上陳志彙

朝音菴七畝明萬厯三十五年建乾隆志

甘露菴在鄞甯城外東山下明萬厯三十年建乾隆志

雲隱菴七畝采訪冊

大善寺七畝采訪冊

附存

惠寂律院縣南七十里晉開運年中置名蘆浦菴宋治平
元年改今額

寶慶志

本覺禪寺縣東南一百二十里周顯德時居民宋可規耕
地得片石上鐫七佛因建彌勒菴宋治平中改立爲寺

慈濟律寺縣東南一百三十里宋治平初置

慈化律院縣西北二里宋淳熙中僧圓證置

顯教律寺縣南五十里宋開禧中伍氏建菴治平中改今
額

能仁教寺縣西北四里宋紹興間僧中卞建名利濟政和
中賜今額

顯孝接待院縣西五里宋元豐中僧一靜置名崇光淳熙

開請今額

以上延祐志

普照菴縣東北五里元至元二年重建

至正志

存善菴縣西北五里元至順年間建

至正志

陳景沛案曰寺觀宋元五志惟寶慶延祐載之寶

慶志分門有禪院

開善旌教崇梵明慧資聖本覺妙勝

教院

正覺承甯觀音

妙音覺

十方律院

淨居惠寂息雲廣福泗洲

甲乙律院

寂照真修總持

崇法慈濟靈峯淨嚴興善慈化顯教崇光永福

之別延祐志易院以寺至

正志增以普照存善二菴共三十七數嘉靖志僅

載二十一而注亦不詳核乾隆志惟本覺惠寂慈

化顯孝普照能仁顯教存善慈濟

乾隆志所載慈濟增異

九

寺逸其名餘悉載之第淵德瑞巖華嚴佛巖明慧

資聖妙勝正覺永甯觀音淨居息雲伏龍寂照眞
修總持回向靈峯淨嚴興善覺海永福宣化延恩
覺度二十五寺乾隆志注本延祐志及嘉靖志通
志郡志者與古志皆同若妙勝洞山泗洲三寺注
無所本卽大差錯至僧所勸建爲開寺之祖不宜
沒其名茲悉補正之